

ماہنامہ تعلیم غیر

— ❖ — محوری ❖ —

— مکتب حربیہ شاہانہ دہ سواری تعلیم معلمی میرلوا کریدی —

— ❖ — اماعیل حق پاشا ❖ —



❖ — طبع اول — ❖

❖ — استانبول — ۱۳۱۵ — ❖

انتھائیڈہ کاش مکتب فنون حربیہ شاہانہ مطبعہ سندھ طبع اولیٰ شدہ

۱۰۵۶۳

مکتب فنون حریہ شامانہ مطبعہ سی — پاننانی

مقدمه

تعلیمنامه لر عمومیت اوزره نظریاتی عملیات حقیقه تطبیق
ایدیسیله جک بروقوف و معلوماتی حائر اولان ضابطاتک
الترنده بردستور بولندیرمق فکریله یازلدینی و سواری و طوبیجی
الایزینک بنیجیلک تعلیملرینک یکنسقد و مکمل صورتده
یابدیرلسی ایچون یازلمش بولان مانثر تعلیمنامه سی دخی اوقیلدن
بولندینی جهته مبتدی ضابطلرک بونی تطبیقه موقی اوله -
مدقلری کورلمکده در .

تریه نک اسی الاساسی اولان بسیطدن مرکبه کجک
قاعده سنه تطبیقاً عجیلرک تعلیملرینی ترتیب ایتک ایجاب
ایدوب بوایسه مذکور تعلیمنامه نک محیفه لرینی صرہ سیه
تعیب ایتکله ممکن اوله ماز . چونکه بو صورتله طاوراندینی
حاله مرکب واک کوچ حرکتلردن بدأ ایدلش اولور .
الحاصل تعلیمنامه نک مندرجاتی لایقوله تطبیق ایدیله میوب
هر آن مشکلات باش کوسترمکده و آندن طولایی نافله یره
وقت غائب ایدلمکده در .

مشکلات معروضی برطرف ایتک یعنی مبتدی معلملر

ایله ده عقل و خصلته، و ما تر ایمینامه دیی قوالیدینیه موافق
اوله رق بیدیجی یتشدیره بیلماک مقصدیله سالف العرض
تعلیمنامه نیک جهت تطبیقیه فی توضیح و تفسیر ایدن اشبو
رساله ای ولی نعمت بیعتتمز خلیفه اقدس مر غازی سلطان
(عبدالحمید خان) ثانی افندمن حضرتلرینک عصر معارفصر
حضرت ملوکانه لرینده ساحه آرای ظهور اولان آثار کثیره
و نافعیه بر علاوه ناجیزانه اولمق اوزره یازمغه جرات الیم .

برنجی بنا

شوراجقده وقوعنی نقل ایلدیکم اجرا آت بلوکده بارکیر
 اوستنده اجرا اولنان عجمی تعلیملرینی وبارکیرلرک تربیه سنی
 اداره یه مأمور ضابط افندینک (یایا تعلیملری بشقه برضابط
 افندینک اداره سنه ویرلمش ایدی) ویردیکی تعلیمات
 واطاراتک نتیجه سیدر . بوراده تعلیمنامه ده مندرج تنبیہات
 وقواعدی نه صورتله تطبیق ایندیکمی وتعیب ایندیکمز
 اصول تدریجیه بی آکلامغه چالیشم جغم . یاردملرک اصول
 استعمالی وسار حرکاتک اجراسیچون عجمیلره ویریلان
 تفصیلاتک همان هبسی مانثر تعلیمنامه سنده مندرج اولدیفندن
 بوراده نظر دقتی جاب ایتک ایچون یالکزر بعضیلرینی تکرار
 ایده جکم . متباقیسی ایچون مانثر تعلیمنامه سنک قننی صحیفه سنه
 مراجعت ایتک لازم کلدیکنی سویلمکله اکتفا ایده جکم .
 ● مراجعتی توصیه ایده جکم تعلیمنامه ۳۰۸ سنه سنده مطبعه
 عسکریده طبع اولنان مانثر تعلیمناسی در ،
 یایا تعلیملرندن وقغوشلرده ویریلان تربیه دن بحث
 آچیه جغم .
 بوسنه تشرین ثانیده بلوک ۲۵ عجمی نفر ویرلدی .

بن عجمی نقراتك بنیجیلک تعلیملرینه آیریلان معلملردن بری
ایدم . یایا عجمی تعلیملرندن بکا هیچ بروظیفه ویرلماش
ایدی . عجمی تعلیملری یومیته اقل ایکی ساعت امتداد
ایدیوردی . یایا تعلیملرینه آریجه اونباشی وچاوشلردن
معلملر تعین ایدلمش ایدی . بن اونباشی ایدم . عجمیلردن
بنم حصه مه ۷ نفر دوشمشیدی . بونلرک ایکسی اونباشی
طاقمه منسوب ایدی ، کچن سنه دن تربیه لری اکال اولنه میوب
عجمی تعلیملرینه دوام ایده جک افراددن ویریلان ۱ نفر ایله
بنم قسم سکز نفره بالغ اولمش ایدی . باقی قالان ۱۸ عجمی
نفر دیگر اوج معلمه تقسیم اولمش ایدی .
عجمیلره ققوشلرده الیسه عسکریه لری کیدیرلدی ،
عسکرجه کینوب قوشانمه نك اصولی اوکره دلدی . قیافت
عسکریه لری یکدیگرندن فرقسز اولسی مقتضی اولدیفی آنلره
تفهیم اولندی . خدمات یومیته جدولنده اراة اولمش وقت
معیملرنده بارگیرلره ایدیله جک خدمتله (تیمار ایتک ، صو
ویرمک ، یم ویرمک ... الی اخره) آخورلرده اوکرتمک
چالیشیلیوردی . الایه ورودلرینک بشنجی کوننه قدر
یایلان صباح تعلیملرنده عجمیلره بارگیر اوستنده اوطوروشده
قیناقلرک واولوقلرک وضعیتی بللتدیرلدی ، بارگیر اوستنه
صچرامق ویره آتلامق وادمان تعلیمندن (قوللر اوزرینه

استناد ایدرك بجاقلى صاللامق ، قولر اوزرنده استناد
 ایدرك بجاقلى صغرى اوزرنده برلشدیرمك ، بجاقلى
 یانه ایلرینه کیویه قالدیرمق ، کووده یی ایلری کری صاغه
 صوله آنك ، کووده یی صاغه صوله چویرمك ، بالدرلری
 کری قالدیرمق (حرکاتی دخی بادیریله بیلمدی . برتخته
 بارکیرمز واردی بونلر آنك اوزرنده اجرا ایتدیریلوردی .
 (مانتر تعلیمی صحیفه ۶۲ و ۶۳ والی آخره مراجعت) الحاصل
 دها صوکر اجرا اولنان یا ادمان تعلیملری واسطه سیله
 بارکیر اوستنده یاپیله جق ادمان تعلیمنك حرکات سائره سی
 (مثلا : اللری ایلری کری آشغی یوقاری بوکك ، اللری
 ایلری کری ایجری طیشاری دوندرمك ، آیاقلرك بروخی
 قالدیرمق ایندیرمك ، آیاقلری ایجری طیشاری دوندرمك
 کی حرکات) احضار اولنیوردی .

عجمی نفراتک و بارکیرلرینک تعلیم

ایچون قیافتلری

و مائزلرک حالی

عجمیلره اییسه یومیهلری و مهموزسز اوله رق جزمه لری
کیدیرلدی . قیافتلری ده ا قفوشده ایکن کندلی طاقم
اونباشیلری طرفدن معاینه ایدلدی .

بنم طاقه منسوب اولان ایکیسینی دخی بن کیدیردم و معاینه
ایتدم . تشرین ثانینک بشنجی کونی ایدی . عجمی نفرات
ایلاک دفعه اوله رق مائزلر تعلیمنه جیقماق اوزره آخورلره
ایتمشلردی . کندولرینه تخصیص اولنان بارکیرلره د آلایه
ورودلرینک ۵ ، ۶ ، ۷ ، ۸ ، ۹ سنه لرنده بولنان بارکیرلرک
اک ایو تربیه اولمش و یورویشلری اک سربست اولنلرندن
یوزباشی طرفدن تفریق ایدیلوب عجمیلره دها بلوکه
ورودلرینک ایکنجی کونی برر دانه سی تخصیص اولمش ایدی .
بلمه اورولدی ، اوست قولان ایله بارکیرک صرتشه ربط
اولندی (اوست قولان ایله ربط ایتک اوینون کلدیکی وقت

قیل قولان ایله باغلاردق .) بارکیرلرک آغزینیه چکه آلتی
قایشنی حاوی قطارمه و سوقنطارمه سی ، طاقیلدی .

بارکیرلری یدکده اوله رق تعلیمخسانیه فصل سوق
ایده چکلری درت کون طرفنده بارکیرلرینی صویه چککلری
صرمه کندی طاقم اونیاشیلری طرفدن عجمیلرک هر برینه
اوکره دلمش ایدی . ایشته کندیلرنجه معلوم اولان اصول
وجهله اوکون بارکیرلری طوتوب یکدیگرینی ۲ بارکیر
بوی مسافه ایله تعقیب اتمک اوزره تعایم میداننده بوتعلیم
ایچون تعیین اولنان اجتماعگاه سوق ایستیلر . بلوکل تکمیل
عجمیلری بر صره تشکیل ایستیلر . عجمی تعلیملرینه مامور
ضابطک و قسم اولک ! ، اخباریله عجمیلر اولجه تقرر ایتمش
اولان قسملره تفریق اولندیلر . و تعلیمک نمانتنده طوبلانمه
اخباریله ینیه بلوکل تکمیل عجمیلری کسی سی .
قومانداسیله بره ایندکدن صوکر و ابتدای بره اینوب
بارکیرلری یدکلرنده سوق ایتک اوزره طوبلانورلر ایدیهده
صوکرلری بارکیر اوستنده اولدقلری حالد طوبلانق حرکتو
اجرا ایدیورلردی ، بارکیرلرینی یدکده سوق ایدرک معلمک
ارقه سنده بر صره اوزره طوبلانورلردی . بنم قسمند
بولنلر بکا طوغری یکدیگرینی تعقیب ایدرک و بارکیرلری
یدکده کوتوره رک کلدیلر .

— مائز داخلده تنظيم و معاینه ایتک —

بن قسممه مخصوص مائزک (درت کوشه سی سهپالر ایله
تحدید اولمش کوچک بر مستطیل ، که زمینک دوز و طاشسر
و مائز تعلیمک صول دورلرنده قوللانیله جق بیوک مائزه
کچجه به قدر سکرز عجمی به تخصیص اولنان بو کوچک مائزک
اغظمی اوله رق ضلع کیرینک ۳۰ ضلع صغیرینک دخی ۱۵
خطوه قدر براوزونلقده اولسنه دقت اییدیوردق .) ایچنده
طور ییوردم . عجمیلر مائزه کیردکلری کبی « اوج آدیم
آره لقله بر صره اولک ! » دیدم . و باشده کنه خط وسطده
طور می ایچون اشارت ایتدم . او طور دخی . دیگر لری آنک
خدا سنده بزم اخبار ایتدیکم وجهله ترتیب اولندیلر . عجمیلر
تنظیم اولغنی تعریف ایتدم . (مائز تعلیمی صحیفه ۱۱
مراجعت) . بر برینک آرقه سنده کلوب تنظیم اولندقلری
ایچون خذایی ایلك طوران نفر دن — خدا اصل اورته دن
آل نور (مائز تعلیمی صحیفه ۵۴ ده مراجعت) ایسه ده بوراده
ایلك طوران جناح نفر دن — آل مرینی تنیه ایتدم .
« قبالو مائزلرده تعلیم ایتک مائزه نوبته کیرمکی انتاج
ایتدیکندن وقت غائت ایدیله چکنه و بوندن بشقه قبالو مائزلرده
تعلیم بار کیرلرک محملری ایچون مضر اولدیغنه بناء بزم بر قبالو

مانثر من و ارکن فوق العاده صغوقدن طولایی مجبوریت - - -
 اولدقچہ اورایہ کیرمک بزم آلایدہ منع ایدلمش ایدی .
 بارکیرلرک ، عجمیلرک قیافتلرینی طوررکن معاینہ ایتدم .
 (مانثر تعلیمی ۱۲ یہ مراجعت) — هرکون تعلیمہ چیققدقدم .
 هرشیدن اول بومعاینہ یی یامقدن کری طورمدم — بعدہ
 راحت ایتدیردم . هربرعجمی یہ آری آری مانثر داخلہ .
 ناصیل تنظیم اولنہ جقلرینی تعریف ایتدم وده یابدیردم .
 (مانثر تعلیمنامہ سنک ۱۱ نجی صحیفہ سنہ مراجعت) .
 خط وسطہ برصرہ اوزرہ تنظیم اولنہ یی اوکرتدکن
 صوکرانم عجمیلرہ هرکون تعلیمہ چیقوب قسملر مانثرلرینہ
 کیتمک ایچون طاغلدقلری کبی همان کلوب هیچ برقوماندا
 بکله مکسزین اوکرتدکلی اصول اوزرہ خط وسطہ برصرہ
 اوزرہ تنظیم اولنلرینی تنبیہ ایتدم .

❧ یاا اوله رق خذایه کلمک و قطعہ یی ❧

❧ برآز کیرویه آلق ❧

بوحرکتی مانثر تعلیمسنده ۱۳ و ۱۴ و ۵۴ و ۵۵ نجی
 صحیفہ لردہ بیان اولندیفی اوزرہ هربر نفره آری آری

تعریف ایتدم . منفرداً یابدیردقدن سوکرا هپسنه بردن دخی
 قوماندا ایدرک یابدیردم . سوکرا هرکون تعلیمده ایجاب
 ایتدکجه قوماندا ایدرک یابدیرر ایدم .
 « بارکیر اوستنده اوتوروشی تقویه ایتک ایچون
 تعلیمه باشلادق » .

عجمی نفرات خط وسطده تنظیم اولتمیشلردی . « بارکیر
 اوستنه صچرا ! » دیدم صچرادیلر بنسیدیلر . یاپه میانلره
 یاردم ایتدم . آنلرده بنسیدیلر — ایجاب ایتدکجه آنلره
 یاردم ایتک خصوصنده قصور ایتزدم — « قولباشی مستتنا
 اولق اوزره دیکرلرینک قنطارمه دیزکینلرینک اوجلرینی
 عجمیلردها یرده ایکن برلشدیروپ باغلادیرمش ، بارکیرلرک
 بونی اوزرینه براقدیرمشن ایدم » .

عجمیلره ویریلان بارکیرلر آلیشیق اولدقلرندن بربرلرینک
 آرقه سنه قاتیلدقلری کبی یاردم تأثرینه حاجت قالمقسنین
 یکدیگرینی تعقیب ایدرلردی . بونکله برابر نفراته شاید
 بارکیرلری قطاردن صاغه چیقارلرسه صول ال ایله صول
 دیزکینی وصوله چیقارلرسه صاغ ال ایله صاغ دیزکینی خفیفجه
 جکملرینی اخطار ایتدم . اوتوروشلرینی کوزدن کچیردم .
 قیناقلرینی بارکیرک صرتنه مساوات اوزره یرلشدیرمامش
 اولنلرک وضعیتلرینی تصحیح ایتدم . وجودلرینک قسم

اعلاسی بر آز کیرویه میلاندیرملرینی تنیه ایتدم و بارکی
سورچدیکی وقت بووضعیتله کندولرینی بارکیک بیونسک
اوستندن ایلری فرلامقدن خلاص ایدرلردی ، کچن سنه دن
تعلیمی کری قالدیفندن طولایی عجمیلر ایله برابر تکرار
مانر تعلیمی یانه حق اولوب بئم قسمه ویریلان نفره «سلیمان»
و قول باشی اول ، ضاغ یانیله یورو ! ، دیکرلرینه
«قولباشینک آرقه سنه بررله قطار اولک ! ، اخبارینی ویردم .
هپسی اینری یورودیلر بارکیر یولنه کجدیلر . بررله قطار
اولدیلر .

ایستدیکم بریوروشه کچیرمک ایچون قوماندا ویردم .
قولباشی آکا کوره یوردی : عجمیلر بارکیرلرینی یوروتمک
ایچون بالدرلرینی بریا ایکی کره خفیفجه قولانلرک اوستنه
چاربارلردی . وطوردیرمق ایچون ویایوروشی آغراشدیرمق
ایچون دیزکینلری دوکوم یرندن طوتوب خفیفجه چکرلر
وبارکیلری طور دینی کبی دیزکینلری تکرار براغیرلردی .
بونو بن تنیه ایتمش ایدم .

ضیقیتیسز اوتورملرینی وبونک ایچون اولقلرینی طیبی
صالبیروب آیاقلرینسک برولرینی دخی طیبی اشاغیبه
صارقیق براقلرینی اخطار ایتمش ایدم .
عادتا ایله یوریورلزدی قانبور اوتورملرینی منع ایتمک

ایچون اقرینی کاه قالجیه قالدیرتدیرر وکاه قوللرینی یان طرفه
 صالیویردیرر ویا آرقه لرینه وضع ایتدیرردم . بن ابتدالرده
 قیناقلرینی ایجه یرلشدیروب بردرجهیه قدر طوغری
 اوتورملرینه دقت ایدرم وجودلرینک قسم اعلا لری وضعیتلرینک
 تعلیمنامه موجنبجه اولسنه چالشمزدم . بکا ویریلان امرده
 بویله ایدی . موازنه لرینی قزانجهیه قدر اویلتلری و دیزلری
 ایله بارکیلرینک وجودینی قاوارامغه عجمیلره مساعده ایتمش
 ایدم . وبالعکس بالیدرلریله بارکیره صیقی جه یاشملرینی یساغ
 ایلمش ایدم ؛ بویله برحال وقوعبولدقجه منع ایلر ایدم .
 بارکیلرک یکدیگرینه زیاده یناشمش حتی آره لرندمه هیچ
 برمسافه قالمیه رق یکدیگرینه صوقولمش بولملرینه برمحذور
 کبی باقاز ایدم . چونکه بویله یناشیق اوله رق کیتدکلری
 حالده عجمیلر ده اسکونتلی وتلاشمز بولنیورلردی . عادتاده
 صقنتیمز وطیبی بروضعت محافظه ایتمکه باشلادقلرنده
 ادمان حرکاته باشلادتم . موازنلرینی محافظه وامنیتلرینی
 تأمین و اوتوروشلرینی تقویه مدار اوله جق اولان ادمان
 حرکاتی اویلقلرک حرکتلرندن بدأ ایله عادتاه ایله بورورکن
 یابدیرردم . بمضاً طور دیروب یره آتلامق وبارکیر اوستنه
 صچرامق حرکتلرینی دخی اجرا ایتدیرردم ؛ تعلیملرده
 خصوصیه ابتدالرده عجمیلری جوق بورمامق ایچون تنیه

آلمش اولديغمن پەشاً بر آز راحتنديرمق بعضاً دخى
 ۱۰ توروشرىنى تكرر تنظيم ايده بيلملىرى (مائز تعليمى ۲۷
 نجى صحيفه يه مراجعت) ايچون عجميلرى سبق سبق
 طورديرردم . وضعيتلرينك تنظيمه حاجت يوق ايكن بيله
 آنلره بر آز نفس آلديرمق مقصديله بعضاً «عادات» يوروركن
 دخى راحت استديرردم .

ايكى اوج كونك تعليمى بويله كچىدى . عجميلره عاداتا
 يورويشده بر آز سربستلك وامنيت كلديكنى كوردوم . بونك
 اوزرينه طبيعى و غايت آغز وزن و قرارلى برسرعتلى (بارك
 طوبىلانماش بويونى اوزاتمش اولدينى حالده سربسته اجرا
 اولنان خفيف برسرعتلى) يه كچيردم . سرعتليده اوكلرندم
 بولنان نترك اگسه سنه باقلىرىنى وكوشدن كچركن وجودلرينك
 اوست قسمنى بر آز ايچ طرفه ميل استديرملرىنى عجميلره
 تنبيه ايتدم . حالاله ديزكين آلديرميوردم . نقراتى يورماق
 وكنديلرىنى اورديرماق ايچون سرعتلنك هر نوبتك زياده
 مدت سورمامسنه دقت ايدييوردم . عجميلرك امنيت
 و اعتمادلرينك ترقيسسه خلل كتيرمامك ايچون باركردن
 دوشمايلرينه ممكن مرتبه غيرت ايدردم . بوسيدن طولايى
 استدلرده زوره كلدكلىرى وقت باركرك يله سندن طوتملرينه

ودیز کیلری دخی یالکر خفیف بر استند مقامده قوالاغلرینه
مساعده ایلمش ایدم .

عجمیلری صاغانیله بر مدت یوروتدکن صوکر اصولیانیه
دخی یوروتورد .

یان دکشدیرمکی دخی ابتدالرده تام ماترک قطری اوزرنده
اجرا ایتدیرردم .

قولباشی دوندکجه دیگرلری دخی بر برینی تعقیب ایدرک
زختسزجه دوزلردی ؛ ایش قولباشینک بارکیپرینک مطلوب
اولان استقامتی تعقیب ایتمنی تحت تأمین آلمقدن عبارت
ایدی . تعیین ایتدیکم قولباشی ایله اوخصوص تأمین اولمش
ایدی . یانمده کی ماتری قوماندا ایدن معلمک قسمنده کچن
سنه نیک عجمیلرندن تربیه سی کری قالمش هیچ برنفر یوق
ایدی . عجمیلرک ایچندن کوزینه کسیدریدیکی مهارتلیجه
وسر بست برنفری قولباشی یامش ایدی . لکن هیچ
اولزسه ایلک برهفته ده قولباشی یامق ایچون برشه اولسون
ماتر تعامی یامش برنفر استخدام ایتنک ده ایا اولدیغی
ینم قولباشینک اسکی برنفر اولسندن طولایی قطارمک ده
سکوتله کیدیشندن آکلادم .

عجمیلر سرغلی یورویشده صدقیدستر و طیبی بروضیت

محافظه ایتمهک باشلا دقلربی کوردیکمده ادمان حرکاتی
بویورویشدہ دخی یابدیرمغه باشلادم .

شوصرمده مسافه ، آرالق ، صاغ ، صول ، یانیله ایچ
وطیش تعیرلرینک نه دیمک اولدیغی اوکرتدم . وبارکیرک
اقسام عضویه سنک اسملرینی بللندیرمکه و نظامی وجهله
بارکیره یینمکی وبره اینمکی (مانثر تعالیمی صحیفه ۱۴ ، ۱۵ ،
۱۶ ، ۱۷ ، ۱۸ ، ۱۹ زه مراجعت) یابدیرمغه باشلادم .
و آرتق اوزماندن اعتبارآهر تعلیم زماننده ایکی کره اولسون آنی
اجرا ایتدیرمکدن وازکچمزدم .

منتظم بارکیره بندکدن صوکرآ عجمیلر قطار ایله تعلیم
یایمق ایچون « دیزکینلری باغلا » اخباریله قنطارمه دیزکینلرینی
باغلاتدیرردم .

بارکیری طور دینی یرده مافوقه کوسترمک لازم کلورسه
امر اولنان محله سوق ایتدکدن صوکرآ ناصیل طوته جقلربی
وکذا عادتایا سرعتلی یورویشلری ایله مافوقک اوکندن
کچیرمک ایجاب ایتدیکی وقت دیزکینلرک اوچلربی خلقه واری
صاغال ایله ناصل طوئرب بارکیری نه وجهله سوق ایده جکلربی
دخی اوصرمده اوکرتدم . اونوتدیرمامق ایچون بوتعلیمی
آرده تکرار ایتدیرردم .

عجمیلری طور دیروب راحت ایتدیرد کجه برندن دیکرینه
 کیده رک بر طرفدن وقوعولان خطالری آکلادیر دیکر طرفدن
 ذهنلری آچق ویایدقلمی شیلری آکلامه لری قولا یلشدیر
 مق ایچون اجرا اولنان حرکاته دائر سوالر صوراردم .
 مجتمعا و غلبه لقلی اجرا اولنان مانثر تعلیملرینک خصوصیه
 ایتدالرده نفراتک جانی صیقه جغنی ، اوصانج ویره جکنی
 بیلیردم . بونکله برابر برقاج قولباشی تدارک ایدنجه به قدر
 یوقاریده نقل ایتدیکم اصول اوزره هیئت جموعه ایله وقطار
 صورتنده تعلیمه دوامه مجبور اولدم . بوچوق سورمدی .
 اون کون ظرفنده برقاج نفرك قولباشلیق وظیفه سنی بردرجه به
 قدر ایفا ایده بیله جک اقتدار کسب ایتدکلرینی کوردم . شو
 وقتدن بدأ ایله عجمیلری اوج یا ایکی قسمه تفریق ایدرک
 وبوکوجک قسملری مناوبه ایله آله رق ینسه قطارله فقط
 آز کشی ایله تعلیم ایتدیرردم اوحالده بن اوج ویاخود
 درت عجمی ایله مشغول بواندینم ائساده دیکرلری ویردیکم
 امر موجنبجه ماترک برطرفنده تعیین ایتدیکم محله کندی
 کندیلرینک وضعیتلرینی تصحیح ایدرلر ، بارکیردن یره
 آتلامق یردن بارکیر اوسته صجرامق حرکتلرینی وطوررکن
 ویاخود عادتا یورویشه وقطار صورتنده یورورکن ایمان

حرکاتی یابارلردی . برکون قار یاغمش ایدی . صفوق ایچه شدتلی ایدی . بونکله برابر برمقلر قولای بوکوله بیلیوردی ، دیزکینلر حس اولیوردی ، آیاقلرک برمقلری تعلیمده دقت قابلیتنی محسو ایدم جک درجه ده متأثر دکل ایدی بز تعلیمه حیقه مامازلق ایتمک یوزباشیمز عجمی تعلیمک اداره سی برضابطه تودیع ایتدیکی حالده ینه تعلیمه چیمدینی نادرا کوریلوردی . تعلیمی گاه اوزاقدن سیر ایدر گاه کوردیکی قصورلری اخطار ایدرک ایشه مداخله ایلردی . الحاصل ایجاب ایتدیجه عجمی تعلیمله مأمور اولان ضابطه دلالات ایدردی . اوکون یاغان قاردن صفوغک شدتلی اولمسنندن مناسبت آلدیره رق شوسوزلری سویله دیکنی ایشتم :
 « وقت سفرده تصادف ایدلمی محتمل اولان کافه مشکلاته دها وقت حضرده آلیشملی بز ! بوندن دها شدتلی صفوقلرده محاربه لر وقوع بولمیدی ؟ اوپله برصفوقده اردونک منفعتی اقتضا ایتدیرسه محاربه یه کیریشمکدن امتناعمی ایدم جکز ؟ »
 عجمیلر بارکیرلری آخوردن تعلیم میداننه یدیکده سوق ایدیورلردی . برون دلیکلرندن دو مانلر صاجیلوردی . قولافلرینی ، قویروقلرینی دیکه رک قوللرینی عادتین زیاده یوکسک آتهرق کیدیورلوی

بارگیردن بری بوکی احوالده — تربیه سی مکمل
یورویشلری سربست و ساکن اولمغه برابر — برازاوینامنی
سودیکندن اورته لغک بم بیاض اولمسندن صفوغک تأثیرندن
هم اوینامغه وهمده زیاده زنده بریورویش ایله ونفری
سوروکارجهنه برطور ایله یوروکه باشلادی . آنی سوق
ایدن نفر بارگیرله الفت ایتماش برملکت اهالیسندن
بولندیغندن بارگیرک احوالی بردنبره ذهنده بیومش اولملی که
هیج بر مقاومت کوسترمکسزین حیوانی براقیویردی .
بارگیر بر آرز صاغه صوله قوشدقندن صوکر ا طوتیلدی ،
نفره ویرلدی .

نفر نه تبدل ونهده دقتسز و اطاعتسز ویا معذبولمندیغندن
محازات شوپله طورسون تکدیر بیله اولمدی . کندوسنه
ملایماته ویدرانه بر صورتده نصیحت ایدلدی .

بارگیری احوالنده ضبط ایده بیلیمک ایچون ناصیل
طورانسی لازمکلدیکی (مائر تعایمی صحیفه ۹ ، ۱۰ ، نه
مراجعت) کندوسنه آکلاتدیرلدی .

بارگیری قاچیران او ، تکدیره هدف اولان بن ! معلم
حقلی ایددی .

طبیعتلری بویولده اولدینی معلوم اولان بارگیرلری ضبط
ایتمک ایچون طیشاری به چکلمزدن اول صاغ دیزکینی صاغ

طرفدن قولانه باغلامق وصول دیزکینی ضاغ ال ایله ابوجه
قاورایه رق وباشنی یوقارییه قالدیره رق سوق ایتمک لازم
کلدیکنی بکا اوکرتمشله ایدی . بارکیرک او خوینی بیلدیکم
حاله عجمی نفره اخطار ایتمش و آنی ضبط ایده بیللمک
ایچون نوجهله سوق ایتمی لازم کلدیکنی دخی تعریف ایتمکی
هر نصله اونوتمش ایدم .

— مانعلردن آتلاقمق وبارلری —

اینوب چیقماق

تعلیمه باشلایه لی اون درت کون قدر اولمش ایدی
(مانثر تعلیمی صحیفه ۱۸۷ به مراجعت) عجمیلر ممکن مرتبه
امنیتله بارکیرک اوستنده اوتورمنی اوکرتمشله ایدی . معلم افندی
آتلاقمق تعلیمه باشلائی امر ایدی . دیمک که بوتعلیم دخی
شو آندن اعتبار آ آریه کیردی . ولیکن بونی هم هرکون
یادیر منز ایدک (قنطارمه تعلیمی اکمال اولندقدن صوکر
یومیه یادیرمه باشلادق . صحیفه ۱۳۶ به مراجعت) وهمده
عجمیلرک تعلیمده مهارتلی آرندی نی نسبتده شوراجتمده
تعریف اولنان اصول تدریجیه رعایتاً اجرا ایتدیرر ایدک .

مانثرلرمزی ترتیب ایستدیکمز تعلیمکاهک برطرفنه اوت
 صاریلی برمانع صیریفی بره یاتیرمشلردی . بزم بلوکک
 معلملری عجمیلرینی تعلیمک نهایتلرینه طوغری مناوبه
 ایله اورایه سوق ایدوب معلم ضابطک حضورنده صیریغک
 اوستندن آتلاتمغه دها طوغریسی ایلك اوکجهلری کچیرمه
 باشلایه جق ایدک . اولا صیریغک اون خطوه قدر اوزاغنده
 طورطوب یعنی کومه حالنده طوردیرلدی . دیزکینلرینه
 باغلی ایدی عجمیلره وجودلرینک قسم اعلالزینی برآزکیرویه
 آلملری . دیزکینلری چوزمکمزین اوج طرفارندن برال
 ایله طوتملری ، صیریغک اوبرطرفنده تکرار طوغرولملری
 تنبیه اولندی . طورطوب اوله زق عادتا یوروشله صیریغک
 اوزرندن کچیرلدی . برقاج دفعه بووجهله حرکت اولندقدن
 صوکرآ آغرجه طبیعی برسرعتلی ایله دخی برچوق کره لر
 آتلاتمق حرکتی یاپدیرلدی . بوتعلیمه باشلییه لی برایکی
 هفته کچمش ایدی . مانعک ارتفاعی برآز بوکسلندیریلهرک
 آتلاتمق تعلیمنه دوام ایدلدی . مانعک ارتفاعی نهایت ۵۰
 سانتیمتریه قدر قالدیرلدی .
 عجمیلرک بارکیرلری لایقیله تربیه اولمش بولندقلرندن
 مانعک اوزرندن سکونته آتلابوب کچیورلردی . بوصورتله
 عجمیلره امنیت کلیوردی .

عجمیلرک جسامر تلری مانعدن آتلاتق هوسلری هرکون
آرتیوردی . عجمیلرک اوتوروشلرینی تحکیم خصوصنده
بو تعلیمک چوق فائده سی اولدینی کوریل یوردی .

آتلاتیرکن بارکیرک حرکاتنه تبعیت ایدم بیلیمک ایچون
آنی قاورامق لازمکله یکی یعنی قیناقلرینی ایلری سوروب
اولیق و دیزلریله بارکیری قوجاقلاملری ، وجودلری برآز
کیروبه میل استدرملری ، بارکیری شاشیرتقاق ایچون
وموازنلرینی دهایی محافظه ایدم بیلیمک ایچون بارکیرک
آیاقلرینه و آتلاتنه جق مانعه باقاملری ، بالدرلرینی عموداً
وبارکیرک بیتشک اوله رق طوتملری و فقط بالدرلریله بارکیرلری
صیقماملری خصوصلرندم عجمیلره تدریج ایله اکتساب ملکه
استدرمکه چالیشیل یوردی .

بالدرلریله بارکیرلری صیقمغه میال اولان عجمیلرک
بالدرلرینی بارکیرلردن برآز آچدیر یوردق .

طورطوب آتلاتغله عجمیلره برآز سربسیت کلدیکی
مشاهده اولندقدیم یکدیگرینی تعقیب ایتیمک اوزره برله
دخی آتلاتغله باشلادق . صوکر اهرایکی صورتله و مناویة
آتلاتدیر ردق .

عجمیلره بارکیردن دوشمامک ایچون ایجابنده یله دن طوتمغه
مساعده اولغش ایدی . الحاصل کوچک مواعدن کچمک

واسطه سیله عجمیلرک میل ورغبتلری تحریک ایدیلوردی .
 صوکرالری دیزکینسز ویا دیزکینلری اوزون طوندیره رق
 و « راحت » حالده اوله رق کرک عرضاً و کرکسه ارتفاعاً
 آتلاتمه مخصوص و مواعینی حاوی وایکی طرفی برمقلاق ایله
 تحدید اولمش « مواعین تعلیخانه سندن » کچیریلیوردی .

بواشاده دیزکینلر کاه صاغ ال ایله کاه صول ال ایله
 وکاه ایکی ال ایله اوزون اوله رق طوندیریلیوردی . لکن
 اللرک اصلاً حرکت ایتیموب ساکن طوتلمسینه دقت
 ایدیلوردی . دها صوکرکرا عجمی نفرانک درت نعلده
 اوتورمتی کافی درجه ده اوکرنکلری کورلدکده اورته سرعتلی
 قرارنده خفیف بردرت نعل ایله دخی آتلاتمق حرکتلریخی
 تکرار بتکرار اجرا ایتدیریوردی .

عجمیلرک یینیجیلکلری ایلریایوب دیزکینلرقرارنده اوله رق
 قیصه طوتلمش ایکن آتلاتدیرلدینی وقت بارکیری دیزکینلر
 ایله اصلاً تعجیز ایتاملرینه دقت ایدیلوردی ، بارکیره باش
 ووبوینی ایلرویه اوزاتمسینه مساعده ایتک ایچون اوموز
 و دیرسک مفصللری ایله تبعیت ایتک اوزره یوروقلری
 ایلری کوتوره رک دیزکین سربسیتی ویرملری ومعافیله
 بسبتون دیزکینلری کوشتملری عجمی نفرانه تنبیه ایدیلوردی .

بلوك تعليمی دورينه كچيله چكى وقتلرده نفراته بار كيرلرینی
 دیزكین و بالدر آره سنه آلوب . مطلوب ایتدکاری استقامته
 سوق اینك مهارتی کسب ایتدیرمکه مدار اولق ایچون
 یانلری تحدید اولغاماش خندقلردن آتلاتدیرمق تعلیملری
 دخی اجرا ایتدیریلیوردی .

مانثر تعلیمکاھنده بوله بیلدیکمز سطح مائللردن بالاستفاده
 بایرلری چیقوب اینك تعلیملرینی دخی ممکن اولدینی قدر
 عجمیلرک اوتوروشلری ایچه متانت کسب ایتدکدن صوکر
 ودها مکمانی ایسه بلوك تعلیمنه کچدکده اراضی اوزرنده
 یاپدیرر ایدک . (مانثر تعلیمنامه سی صحیفه ۱۹۲۰۰۰۰ به مراجعت)

— صیرتنه چول اورولش بار کیره —

— منتظم بینمک ویره اینك —

شو آرهلق منتظم اولهرق اولای صایی ایله صوکر اصاییمز
 آنه بینمک ویره اینکی اوکر تدم (مانثر تعلیمی صحیفه ۱۴۰۰۰۰
 به مراجعت)

— دیزکین —

عجمیلرک دیزکینلره یاپیشمغه مجبور اولیه جق وجهله

موازنه تریخی و سر بستلنگریخی محافظه ایده رک مختلف یورویشلر
ایله بینملرینک ممکن اولمسی آنلرک اولجه اوتوروشلرینده
کافی درجه ده متانت حاصل اولمش بولنمسه منوطدر . بناء
عایه عجمیلرک اوتوروشلرینده مطلوب اولان متانت حاصل
اولنجه به قدر عادتاً وغایت آغروزن وقراری طبیعی برسرعتلی
یوروش ایله و دیزکینسز اوله رق قطار صورتنده تعلیمه دوام
ایتمش ایدک . اوتوروشده مطلوب اولان متانت حاصل اولدقده
قنطارمه دیزکینلری اله آلدیرلدی .

دیزکینلری آلدیره بیامک ایچون اوتوروشده ایجاب
ایدن مهارت تقریباً اون بش یکرمی کون ظرفنده قزاندریله
بیلدی . عجمیلرک قابیلتلری بر دکل ایدی . ایلمک اوکجه
بش نفره دیزکین آلدیردق . دیکرلری ده ایجابی قدر
اوتورمقده ملکه حاصل ایده مامش بولندقلرندن دیزکینلره
آصیله جقلری شهبه سز ایدی . آنلرک آنجق اوج درت
کون صوکر ا دیزکین آله جق افتداری کسب ایده بیلدکلری .
کورولدی . اووقت آنلره دخی دیزکین آلدیرلدی .
دیزکینلرک ایکی الده ناصیل طوتیله جنی یومروقلر کذا
ناصیل و زرده طوتیله جنی (یومروقلرک آره سندکی آره لغک
اورته سنی جداغونک اک یوکسک نقطه سندن و بارکیرک صیرتنک
تمام اورته سندن کچدیکی تصور اولنان افقی خطک اوستنده .

بولنديرمغه دقت ايتملری دخی آیریجه آکلا تديرلدی .
 دیزکینلرک هرايکینسک اوزونلقلرینک بر اولمی لازمه کلامیکی
 تعریف اولندی (مائز تعلیمی صحیفه ۲۹ زه مراجعت)
 فقط ابتدالرده دیزکینلری برواسطه استناد اخاذ ایتاملری
 ایچون حدمعیندن اوزون طو تدير بیوردق . بو حالده بارکیرلرک
 طویلو بولملرینی دخی طلب ایتزدک . ذاتاً بویله برشی ای
 تربیه ایدلمش برنقردن طلب اولنه بیلور . الحاصل دیزکینلری
 کوشه لردن کچرکن سیله اصلاً تأثیر ایتدیرمیدرک بومروقلمرینی
 ثابت طو تملری . بارکیرلری کندی حالارینه ترک ایتملری
 عجمیلره تنبیه ایدلدی . بواشاده ینه قطار صورتینده تعلیمه
 دوام اولدی . بارکیرلرک ای تربیه اولمشلردن بولدیغندن
 یاردم تأثیرلرینه حاجت قالمیه رق یکدیگرینی تعقیب ایدوب
 کیدیورلر و کوشه لردن کچیورلردی .

ایشته بو آندن اعتباراً بارکیرک برنجی وضعیتله تعلیمه
 باشلادق .

دیزکینلر ذکر اولندیفی کی اللرنده بولنه رق عجمیلری
 قطار صورتینده اولاً عادتاً ایله بعده آغر وزن و قرارلی
 طبیعی برسرعتلی ایله تام مانزده بورونه رک برقاچ کون تعلیمه
 دوام ایتدک . عجمیلر آرتق بومروقلمریشک یرینی اصلاً
 دکشدیرمیه رک سرعتلی بورویشه دوام ایده بیلورلردی . بونک

لوزرینه معلم افندی یازدملرک تاثیرلرینی بالدرلر ککسندن
 بدأ ایله اوکرتمه باشلامقلمیزی وعجملرک ذهنی شاشیرتماق
 ایچون دیزکینلرک تاثیرلرندن بحث ایتمه ککلمیزی تنیه ایتدی .
 بالدر تاثیرلری عجمیلری برر برر آلهرق تعریف اولندی .

(مانثر تعلیمی صحیفه ۳۵ شه مراجعت) .

اول صورتله طورانیلهرق بالدرلرک کرک یالکیز بری
 وکرکسه ایکیمی آنجق قولانک اوستنه ویاخود درت برهق
 کیروسنه ناصیل وقاچ صورتله تاثیر ایتدیرلدیکی بللندیرلدی
 بعده مانثر تعلیمنک اوتوز سکزنجی صحیفه سنده نومرو ۱ ده
 بیان اولسان بالدر تاثیر (بارکبری حاضرملق حرکنی)
 عجمیلری برر برر آلهرق طورورکن تعریف اولندی وده
 هم طورور وهمده یورورکن تعلیمی یاپدیرلدی .

عجمیلرک بالدر تاثیرلرینک بوقدرینی طاسلاق اولهرق
 اوکرنککری کورولدیکی واکتساب ایتدکری قویجه اوتوروش
 ویاقدقیری ادمان تعلیملری سایه سنده یومروقلرینی سربست
 قوللانه بیه جککری آکلاشلدینی کبی یومروق حرکنلری
 « دیزکین طوبلامق » دن بدأ ایله (مانثر تعلیمی صحیفه ۳۰ زه
 مراجعت) ینه عجمیلری برر برر آلهرق باشلاتدق .

دیزکینلری طوبلامق حرکننک زه لرده استعمال اولندی
 وبارکیر باشنی قالدیرمقده وویونق طوبلامقده ویاکیری

طوبیلامقدمه دیز کینلری طوبیلامق حرکتک نه صورتله اجرا اولندیقنی دخی تفهیم ایتدک . (مانثر تعلیمی صحیفه ۳۱ ره مراجعت) دیز کینلری بردنبره کر مکدن و بار کیرک آغزینسه چارپمقدن اجتناب ایتلرینی دخی آکلاتدم بو حرکتلری یینه منفرداً اولاً طورورکن صوکر اعدا تا یورورکن یابدیردم .
عجیلری شاشیر تمامق ایچون مذکور دیزکین تاثیرلرینی دخی ایتدالرده بالیدیر تاثیرلرینی قائمق سزین سـاده اوله رق اوکرتک ایچون امر آلمش ایدم .

شو آره لق دیز کینلری قویوبرمک (مانثر تعلیمی صحیفه ۳۱ ره مراجعت) حرکتک صورت اجرا سنی دخی اوکرتدک .
دیزکین قویوبرمک حرکتی دیزکین طوبیلامق حرکتدن دها چاقجسه یاملری لازم اولدینی فقط بار کیری بردنبره بتون بتون سربست بر اقاملری ایجاب ایتدیکنی فکرلرینه قویدم . بونک اوزرینه اوتوروشی دها زیاده تقویه ایتک وعجیلرک سربستلکلرینی تزید ایتک ایچون عجیلرک نصفنی بردفهمده دیگر نصفنی دخی او بر دفعه آله رق ۶ شر خطوه مسافهلر ایله مجتمعا سوق ایدرک عادتاً یوروش ایله ووزن وقراری آغز طبیعی بر سرعتی ایله ادمان تعلیملری وسائر تعریف اولنان حرکات یابدیر یلیوردی .
• شو آندن اعتباراً وضعیتلرجه وقوعولان قصورلرینی

تصحیح اتمک و مفردات ایچون ایجاب ایدن معلوماتی و بر مک
 و او خصوصده ملکه کسب ایدر مک ایچون عجمیلری بر ر بر
 آلوب منفرداً و اوزون بر مدت ایو و عسکرجه بروضعیت
 محافظه اتمکه تدریج ایله آلیشدیرمق ایچون دخی ایکی اوج
 عجمی آلهرق مجتمعا و آرتق قطار صورتنده اولیوب ۶ خطوه
 مسافله ایله تعلیم یاپدیرردم . او حالده دیکرلری مائزک
 بر طرفنده اتمک اوکجه قطار صورتنده حرکت ایدرلردی .
 طاسلاق اولهرق صره بعدیله یورو مک حرکتی اوگردلدکن
 صوکر ا بو صورتله حرکت ایدرلر وکندی کندیلرینه تعلیم
 یاپارلردی . دها صوکرالری یعنی یاردملری متحداً اجرا
 اتمکده ایچه ملکه کسب ایدکن صوکر ا منفرداً یاپدیردیغم
 تعلیملری عجمیلرک الآن وقوع بولان قصورلرینی کوروب
 تصحیح ایلهرک زیاده مهارت قازاندیرمق و عجمیلری اوچر
 دردر آلهرق ۶ خطوه مسافله ایله مجتمعا یاپدیردیغم تعلیملری
 دخی او وقته قدر یاپیلان تعلیمدن استحصال اولتان نتیجه بی
 تحقیق اتمک وینه عجمیلری دها اوزون بر مدت عسکرجه
 اوتوروشی محافظه اتمکه آلیشدیرمق ایچون ایدی . . اشو
 حرکات واسطه سیله عجمیلر بارکیر اوستنده صیقتیسیر و متانتلی
 بر اوطوتوروش کسب ایدکن صوکر ا آنلرک عسکرجه
 اوتوروشی (مائز تعلیمی صحیفه ۱۹ زه مراجعت) ایدنملری

خصوصه دقت ایتمکه باشلادق . شمدی به قدر عجمی نفرات
 اویاقلرینی و آیاقلرینک برونلرینی طبیعی آشاغی به صارقیق
 براقش اولدقلری حالدہ تعلیم ایتمش ایدی . بوندن بویله
 عسکرجه اوتوروشده اولدینی کبی آیاقلرک برونی برآز
 یوقاروده بوانه جق وجهله اوکجهلرینی آشاغی به باصمغه
 آلسدیرمق ایچون صورت مخصوصده دقت ایتمک ایجاب
 ایتدی . بارکیب یوللرنده یورورکن منتظم یعنی نظامی وجهله
 تأثیرلر اجرا ایتدیرمک « طور دیرمق » طور دقدن سوکرا
 « راحت » ایتمک و تکرار « حاضر اولق » و « خذایه کلک »
 و تکرار نظامی وجهله تأثیرلر اجرا ایدرک « یورومک »
 حرکترلرینی دخی یاپدیرمغه باشلادق . (مانر تعلیمی صحیفه
 ۷۰ و ۷۱ و ۷۲ به مراجعت) . راحت ایتمک حرکتی
 طورورکن یاپدیردقدن سوکرا عادتاً یورورکن دخی اجرا
 ایتدیردک . هر نوع یورویشده ایکن « راحت » ایتمکی دخی
 دها سوکرالری اوکرتدک وزن وقراری محافظه ایتمک دها
 شمدی عجمیلر ایچون ممکن دکل ایسهده سرعتی یورویشنگ
 ممکن مرتبه سرعتی برقرارده طوتملرینه — دیزکینلری
 چکمکه قالفشمیهرق یالکز بارکیلری بالیدرلریله زورلامغه
 و تعجیز ایتمامکه دقت ایتمک ایله — غیرت ایدردم .
 کوشه لردن کچرکن شمدی به قدر دیزکینلری تأثیر

ایستدیرمیه رك بار کیرلری کندی حاللرینه ترك ایستدیکمز حالده
شو آره لق طیش دیز کین ایله - سوق ایدوب عین زمانده
ایچ بالدیر ایله خفیه قجه قولانك اوستنه چارپه رق بار کیری
کوشه دن چیرمك خصوصی عجمیلره اوکره دلدی وده بوندن
بویله او یله حرکت ایتملرینه دقت ایدلدی .

طوبیلا تعلق تعلیمی

سریماً طوبیلا به بیامك مکمل سواری عسکرلرنده
وجودی الزم خاصه لرك اك مهملرندن اولدیغندن مذکور
تعلیم عجمیلره بلوکه ورودلریله برابر بدأ ایستدیرلمش ایدی .
طبیعی اولایا اوله رق باشلاتدیرلدی . قوماندایله ویا بوری
اشازتیه سریماً صف حربده کی برلرینی بولمغه آلدشدریلدوری .
عجمیلر دیز کین ویرلدکدن برهفته قدر صوکره منفرداً
تعلیم ایدمیه لک درجه ده ایلرولمشلر ایدی . ایشته او آره لق
هر نه وقت طوبیلا مق لازم کلیرسه یا طوبیلا نمه قومانداسی ویریه رك
ویا خود طوبیلا نمه بوریسی چالدیریه رق طوبیلا تدریلدوردی که
بار کیر اوستنده دخی طوبیلا نمه یی اوکره سونلر .
بو طوبیلا نمه حرکتی ایستالرده عادتاً بمیده سرعتلی ایله
یادیریلدوردی .

طوبلانمه قوماندا ویا بوریسندن صوکر ا علاوه اولنه حق
 و آره لقله بر صیره ، ویا خود د یناشیق بر صیره ، اخبارینه
 کوره صف حربی بر خطوه آره لقله ویا خود آره لقسمن
 تشکیل ایتک اوزره هان تعلیمدن فراغت ایتلرینی و بونک
 ایچون بوری ویا قوماندا سسی ، نک کلدیکی طرفه دونوب
 واک قیصه یولی تعقیب ایده جک وجهله طوغرولوب کیتملرینی
 تنبیه ایتدم .

عجیلره طوبلانورکن صف حربک تشکیل اولندی
 جبهه نک اوکندن طوغرو کینمیوب یانلرندن آرقه سنه طوغری
 طولاشملرینی وکیروندن ایلری یه صوقولوب صره یه سکونتلی
 برپور ویش ابله کیرملرینی اخطار ایتدم .

طوبلانمقده آتلورک آرقه دن طوسطوغری سکونتله
 صره یه کیرملرینی معنم اقدی شدتله طباید ییوردی . بویولده
 حرکت ایتدکلری حالده طوبلانمق حرکتی تأخیراته
 اوغراتدیرلیور ویکدیگرینی قاقشیدیرمه سبیت ویرلیوب
 اخذ اولنان نظام وخذای منظم اولیوردی .

خصوصی اوله رق اسمبله جاغریلان بر آتلو کندوسنی
 جاغیران مافوقه طوغرو بارکیرینی چویروب اک سریع
 یوردیشله (ایلک اوکجه لری عادتاً صوکر ا سرعتلی ده ا

صوکر الی اک سریع یورویش ایله) کیتمکه مجبور اولدیغی
دخی آکلادیم . شونی دخی اوکرتک ایچون عجمیلری اسملریله
یانمه چاغیردم . ایشته بووجهله بارکیلری بکدیگرینه
چارپیشدیر مقمیزین وکلوب جه نلک اوکنده ییغلمقمیزین
وبارکیلره اذیت ویرمکسزین عجمیلری سریعاً طوبالانغه یه
آلشدیریوردق .

بو طوبالانق حرکتی عجمیلره درت نعل یورویشنده
بارکیلرینی سوق ایتمه آلشدقدن صوکر مذکور یورویشله
ونهایت سریع بردرت نعل ایله اجرا ایتدیریوردق .
صنفلری ، قسملری تعلیمگاهده مائزلرنده تعلیم ایتمکه
ایکن صف حربده طوبالانغه آلشدیردیغمز کی صف حربده
ایکن ینه مائزلرینه یوللامق اوزره وقسم اولک !، قومانداسیله
صف حربی طاغیتوردق .

— خط وسط ترتیبندن منتظماً برر اولق —

— وینه صف حربه کچمک —

بو آنه قدر عجمیلر عادی براخبار ایله برر اولوب ینه او یله
بر اخبار ایله صف حربه کچرلر ایدی . بوندن بویله منتظم

صورتده برر اولوق (مانثر تعلیمی صحیفه ۶۹ و ۷۰ شه مراجعت)
چرکتی وتام وبارم مانثرده یان دکشدیرمک وتعلیمدن صوکر
کرک آره لقلی وکرکسه آره لقسز صف حرب اولوق حرکاتی
و آره لقلی صف حرب اولوقدن صوکر بارکیه بینمک ویره
اینک حرکاتی دخی یابدیرمقدن کری طورمدق (مانثر تعلیمی
صحیفه ۷۲ و ۷۳ و ۷۴ و ۷۵ و ۷۶ به مراجعت) .

❦ عادتادن اورته سرعتلی به واورته ❦

❦ سرعتلیدن عادتایه کچمک ❦

شمدی به قدر استعمال اولنان آغر وطیبی برسرعتلی
ایله و آندن عادتایه کچمک وینه عادتادن آغر طیبی سرعتلی به
کچمک واسطه لرله عجمیلر موازنترلرینی محافظه ایده جک قدر
قوی اوتورمنی کسب ایتمش اولدقلری کورولمکله یومروقلر
نابت طوتلدینی حالد اوتوروش و بالدرلر واسطه سیله بارکیلرینی
سوق و تحریک ایدوب یورویشک قرارینی آرتیره رق اورته
سرعتلی به کچیره جکلرینی هر برعجمی نفره آیری آیری تعریف
ایتدم وده یابدیردم (مانثر تعلیمی صحیفه ۷۶ به مراجعت) .
کذا اورته سرعتلیدن عادتایه کچمک ایچون استعمال اولنان
یاردملر اوکره دلدی (مانثر تعلیمی صحیفه ۳۹ و ۴۰ به مراجعت)

عجمیلره اورته سرعتلی ایله یورورکن علی الخصوص باریر
اوستنده حالا صیقتیلی و متاتمنز اوتورانلره ادمان حرکاتی
یابدیر ایدک .

طیش دیزکینی وایچ بالدیری قوللانیرق کوشه لری کچمکده
ایچه ماکه کسب اولندی کورلدکده کوشه یه گلزدن اول
کندی بللرینی جو قورلا توب بارکیرلرینی یازم طوبالاملری
وبویله لیکه بارکیرلرک کوشه یی عجله کچملرینه ممانعت ایلملری
وبالعکس بارکیرلر کوشه یه گلزدن اول یورویشلرینی قیصالتیر
ایسه بالدیرلرله تضییق ایتلری تیزیه اولندی وده عملیاتی
یابدیرلدی . بوندن صوکره شوخصوصه دقت ایدوب
ایتمدکارینی تحقیق ایچون ایلک اوکچملری کوشه لرده کچدکجه
هربرینه صیق صیق ، صوکره آرتق آرده باقاردم .
چونکه نظر دقتدن کچیریله جک یالکز بودکل ایدی .

﴿ صره بعدیله قباطاسلاق یورومک ایچون صره ﴾
﴿ بعدینه یناشدیرمق وایلرودن مسافه آلدیرمق ﴾
﴿ وکوشه ده عادتاً ایله دائره حرکتی ﴾

عجمیلر یاردملرک کرک منفرداً وکرکه متحداً

استعمال کننده اولدخه ماله و مهارت کسب ایتدکدن صوکر ا-که
 بوده آنجق اگر اوزرنده کم ایله قنطارمه بی برلکهده قوللانهرق
 اجرا اولنان تعلیم لک همان صوکرینه طوغری حاصل اولور-
 مرقوملری صره ایچنده حرکتیه حاضر لاق ، تعلیمده کسب
 ایتدکری ماله کی تحقیق ایتک ، الحاصل یوروش-لک
 قرارینک نابت طوتیلدیفنی آکلامق ایچون مانثر تعلیمک
 صوکلرنده صره بعدیله تعلیم یابدیرمق مقرر در . لکن عجمیلره
 دیزکین و بر دیکمز شو صره لرده تک بر عجمی آلوب منفرداً
 تعلیم ایتدیررکن کافی میدان بوله بیلک ولیکن بوندن طولانی
 متباقیسنی طور دیرمه دخی مجبور اولماق ایچون مرقوملری
 طار بر یرده صیغیشدیرمق - مثلاً مانثرک بر کوشه سنده دائره
 اوزرنده سوق ایتک - ایجاب ایتکله و بونک ایچون ایسه
 قالانلری صره بعدینه یناش-دیرمق ایجاب ایلکله (واقعا
 بارکیلری قطار صورتنده سوق ایتک دخی ممکن ایسه ده
 اوقت آره لرنده هیچ بر مسافه بولنیه جفتدن و عجمیلر ایسه
 دیزکیلری هنوز اله آلمش بولن-دقلرندن دیزکین و بالیدیر
 تأثیر لرنده یاه جقلری خطالر سبیلله همان بارکیلرین اوکده کیلرک
 اوستنه بندیرملری و او آنده عجله ایله ده زیاده یاکلش
 تأثیر لر اجرا ایتلری ملحوظ بولنمه-له بو مخذورک بر درجه یه
 قدر اوکنی آلمق ایچون یعنی وقوع بوله جق بر قصوری تصحیح

ایتمکه میدان بوله بیلمک ایچون بوندن بویه کند یکنه
حرکت ایدن عجمیلری آره لرنده برر خطوه مسافه لر براققی
اوزره یناشدیرمق تنیب ایدلمشدر (۰) هم و صره بعدیتسه
یناشمق ، و ایلرودن مسافه آلمق ، حرکتلری (مانر
تعلیمی صحیفه ۱۱۰ و ۱۱۱ ره مراجعت) طاسلاق اوله رق
وهمده کوشده دائره عاده ایله کیرمکی و بوداژدن تکرار
تام مانره کچمکی و دائره دن تام مانزده یان دکشیدیرمکی
(مانر تعلیمی صحیفه ۱۵۹ زه مراجعت) تعریف ایدم وده
یابدیردم .

— اوزون سرعتلی —

اورته سرعتلی یوروش واسطه-یله عجمیلر بارکیر
اوزرنده کوزل اوتورمنی اوکرنمشلردی .

اوتوروش-لربی دها زیاده تحکیم ایتمک ایچون اوزون
سرعتلی بی یابدیرمغه باشلادق . بویوروشی بولدیرمق ایچون
عجمیلره اورته سرعتلی ایله یورورکن یومروقلربی ثابت
طوتلربی و بالیدیرلریله بارکیری تضییق ایدرک یوروشک
سرعتی تزیید ایتلربی تنیب ایدم . و برر برر عملیاتی

یابدیردم صـوکر اوجر دردر آلهرق مجتمماً دخی اجرا
ابتدیردم .

الحاصل اوزون سرعتیدن اورته سرعتلی به بجمک
حرکتی دخی اوکرتدم (مانر تعلیمی صحیفه ۸۰ و ۸۱ ره
مراجعت) .

❦ ایکنجی وضعیت ❦

عجمیلر بارگیر اوستنده و سرعتلی یور ویشلرده اوتوروشلرینی
ایچه اوکرنش و موازنلرینی محافظه ایتـکـده ملیکه کسب
ایتمش اولدقلرندن بوندن صـوکر اداثره اوزرنده حرکت
ایتمکی و درت نعلده بارگیر اوستنده اوتوره فی تعلیم ابتدیرمک
ایجاب ایتـکـله مذکور حرکاتک حین اجرالرنده استعمال
اولنان واسطه لردن بری اولان ایکنجی وضعیتی اوکرتـمک
اقتضایلدیوردی . ایکنجی وضعیتی آلدیرمق تعلیمنه باشلاتدم
(مانر تعلیمی صحیفه ۸۲ و ۴۷ و ۴۸ زه مراجعت) . و فقط
عجمیلر یاردملری متحداً استعمال ایتـمـکی هنوز بیلمدکلرندن
شمـدـبـلـک مذکور وضعیتی آلدیرمق ایچون یالـکـز ایچ
دیزکینک اجرا ایلدیکی تأثیر ایله حاصل اوله بیلان طاسلاق
بروضیتله اکتفا ایتـمـکه مجبور اولدم . بو وضعیتله گاه صاغ

یائیله گاه صول یائیله وکاه بارگیر یوللرئنده وکاه دائره اوزرئنده
اولاً عادتا صوگرا سرعتلی ایله یورو تور ایدم .

عجمیلر یا کلش اوله رق دائما ایچ دیزکین اوزرئنده یورو مکی
عادت ایدناملری ایچون ایکنجی وضعیت ایله یورویشک
مدتنی قیصه کسر ایدم .

○ دائره اوزرئنده حرکت ○

خط مستقیم اوزرئنده حرکتده آتلونک بارگیر اوستئنده
آلدینی وضعیت ایله خط منحنی اوزرئنده حرکتده آلمسی
لازم کلان وضعیت بیننده جزئی برفرق موجود اولدینی
معلومدر . ایشته شو فرقی اوکرتهرک — عجمیلره چرخده
ودونمیکده وجودک ثقلتی غایت سکونتله واحتیاط ایله ایچ
طرفده کی قیناق کمکی اوستنه ویرملرینی وشو حرکتی بارگیر
حس ایدم جک فقط خارجدن کوریلهمیه جک درجه ده اجرا
ایتملرینی تعریف ایدم . — خط منحنی اوزرئنده اجرا اولنان
حرکتلرده دخی عجمیلره موازنتلرینی استحصال ایدیرمک
ایچون دائره اوزرئنده تعلیمه (مانر تعلیمی صحیفه ۸۳ چه
مراجعت) بدا ایتمک زمانی کلشیدی . چونکه عجمی نفراتک

آرتق خط مستقیم اوزرنده سرعتی یوروشلرده بیهله
اوتوروشلری ایچ، متانت کسب ایتیش ایدی .

دائرة حرکتی چرخ ایتک و دونمک حرکتلری ایچون
کوزل بر حاضری قدر . بوسیدن مذکور حرکتلری
یادیرمزدن اول دائرة حرکتک یادیرلمسینه تشبث ایدلی .
بدایتده عجمیلرک بارگیرلینی دائرة اوزرنده مطلوب
وجهله حرکت ایتدیرملری ممکن اوله مز . آنک ایچون
قوللانیله حق یاردملر قبا طاسلاق تعریف اولندی (مانثر
تعلیمی صحیفه ۳۲ و ۳۳ چه مراجعت) .

بودائرة حرکتی اولا عادت ایله اجرا ایتدیرمدم .
صوکر سرعتی ایله دخی یادیرمدم نهایت کام عادت و کام
سرعتی ایله وبرکره صاغ یانیله دیگر کره صول یانیله
یادیرمدم ولکن هر دائرة کیریشده برقاج کره عادت ایله
طولاشدیرمدق، سرعتی به کچیرمدم طبیعی دائرة دن و تام
مانثره ، کچمک حرکتی دخی بو آرهلق اوکرتدم .

درت نعل تعلیمی

درت نعل یوروشی بربرینی متعاقب وقوعبولان برطاق
صچرایشلردن حاصل اولدیغندن دیگر یوروشلردن فرقلیدر .

بونك ایچون عجمیلرك بویورویش ایله حرکت ایدن بارکیرلرك
صرتنده دخی اوتورمغه آلیشملى ایجاب ایدیوردی . عجمیلر
شو آره لق عادتاوسرعتلی بویورویشلى ایله موازنتی غائب ایتمه رك
بارکیر اوزرنده اوتورمغه اقتدار کسب ایتش بولمىلرندن درت
نعل تعایینه باشلامق مناسب ایدی . بسیطدن مرکبه کچمك
قاعده سنه توفیقاً اولابویورویشده یالکزاوتورمى اوکرتمه کقرار
وبرلمش ایدی . شو تعلیم ایچون استعمال ایلدی کمزدرت نعل اورته
سرعتلی قرارنده خفیف بردرت نعل یورویشی ایدی . برتك
بارکیرم نظر ابرقاج بارکیر بر آرده وبر برينك آرقه سنده حرکت
ایتدکلى حالده اولقدر یاردم استعمالنه دخی حاجت
قالقه سزین ده سولته درت نعله قالقدقلى مجرب اولدیغندن
اوطر زده تعلیم ایتدیرمك تنسیب ایلدی .

بیم قسمی کاه اوچر کاه ایکیشر نفر دن عبارت کوچك
قسملره آیره رق مناوبه درت نعل تعلیمى یاپدیردم .
اولاً اوچ کشى آلدیم . درت نعله باشلامق ایچون عادتاً ایله
یوروتدم . بو عجمیلره بارکیرلرینی درت نعله قالدیرمق ایچون
اولاً دیزکینلری طوبلاملرینی — اصل بارکیری طوبلاملری
لازم ایدی ؛ حالبوکه بو حرکت دیزکین وبالدر و اوتوروش
یاردملرینك متحداً تأثیر ایتملریله حاصل اوله بیله جکشدن وبو
ایسه شمديك آنلرجه ممکن اوله میه جفندن یالکزدیزکینلری

طوبیلا تقي ایله اکتفا ایتمک مجبور اولدم — و بعد ایکنجی
 وضعیتی آلدیروب بش اون خطوه بوروتدکن صوکر
 بالدير لريله تضییق ایدوب بارکیر صچرامق ایچون اوك قسمی
 قالدیردیغنی حس ایتمک لری آندە دیزکیملری برمه دار
 قویورمک ایله بارکیره سربسیت ویرملرینی نذیه ایتم .
 دیزکین طوبیلامه نی ، بارکیره ایکنجی وضعیتی ویرمه نی قبا
 طاحلاق بیلیورلردی . درت نعله قالدیرمق ایچون یالاکر
 بالدير لريله تضییق ایتملری ووقتندە برآز دیزکین سربسیتی
 ویرملری قالمش ایدی ، که بونی دخی بسیط اولدیغندن یاپه
 بیلدیلر . ایشنه بوجهلە حرکت ایدرک درت نعل تعلیمنه
 دوام ایتم . عجمیلر سرعتلی به نسبتله عادتاً بورویشده دها
 ایو اوتوره ییلوب یاردملری دخی دها قولای اجرا ایدمه یله
 جک لرندن وبارکیری عادتادن خفیف بر درت نعله قالدیرمق
 دها قولای اولدیغندن ایلك اوکجه درت نعل تعلیمنه عادتاً
 بورویشدن باشلامه نی ایشمزە دها اویغون بولمش ایدک .
 شمەدیلک بارکیرلرک وضعیتلرینه باقزدم . بنم دقت
 ایتمدیکم شیء عجمیلرک بورویش ائناهنده ایو اوتورملری ،
 موازنلارینی محافظه ایتلری ، قایناق لری ایلری سوروب
 لاریخی ثابت و ملایم طوتملری ، اوموزلرندن برینی دیکرلرندن

کری برافاملری ، الحاصل طوغری وصیقتیسز اوتورملری ،
ایلری کری صالاناملری کیفیتلری ایدی . بونک ایچون اوچر
ایکیشر اوله رق مجتمعا برقاچ کره درت نعل یایدیردقدن
صوکر ا عجمیلری هر تعلیم وقتنده بربرر آلوب ودرت نعل
یوروتوب اوتوروشلرنده والدرینی طوتوشده واقع اولان
قصورلرینی تصحیح ایدردم . درت نعل تعلیمنی وچک
مانزده کاه صاغ یانیله کاه صول یانیله بموق ایدرک اجرا
ایتدیردم . شو صروده بارکیلری طوغری درت نعل
یوروتلرینی عجمیلردن طاب ایتزدم .

بو حاضر ارق تعلیمی ائناسنده عجمیلری بربرر آلوب
درت نعل یوروتورکن قاناقلر واسطه سیله بارکیلرک طوغری
یاخود یاکلش ویاخود بوزوق درت نعل یورودیکنی آکلامق
ایچون طیش قیناغک عکس ضربه یه دها زیاده دوچار اولدیغنه
واچ دیزک ایلری کری سورونه رک حرکت و بالعکس طیش
دیزک یرنده یاپیشوب قالدیغنه دقت ایتک لازم کلدیکنی تفهیم
ایتدم . بو خصوصده ملکه حاصل ایتدیرمک ایچون آنره
بارکیلرک طوغری درت نعل کیدیور — اکر طوغری
کیدیور ایدیسه — طیش قیناغنه عکس ضربه ناصیل چارپیور ،
دقت ایت طیش دیز یرنده قالیور ، ایچ دیز سورونه رک
ایلری کری کیدیور ،

باق صاغ يانیله کیدیورسین ، بارکیرك صولانیله یوریور
 دیمك ، كه یاكلش درت نعل یوریور . شمدی دقت ایت
 طیش دیز ثابت قاله جـق ایکن ایچ دیز ثابت قالیور ، ایچ
 قیناق عکس ضربه یه دوجار اولیور . ایو بلدیور میسك ؟
 کذا عجمیـلردن بری موازناتی غیب ایتمش ایدی .
 یومروقلری غیر اختیاری اوله رق یرلرینی دکشدیرمکه
 دیزکینلر بارکیرك آغزینه چاریدی . موازناتی اعاده ایچون
 بالدیرلریله بارکیری قوجاقلادی . بوحرکات بارکیره اجرا
 ایتدیکی تأثیرلر سببیه سرعتی آزالمدی فقط آیاقلرینـك
 آهنگی بوزولدی . بوزوق درت نعل حاصل اولدی (اوک
 آیاقلریله بشقه یان قیچ آیاقلریله ینه بشقه یان ایله یورومکه
 باشلادی .) وقوعه کلان شو خطادن بالاستفاده اوعجمی یه :
 ها ! دقت ایت شو اولجه بلدیكك دیز وقیناق حرکاتلرینی
 شمدی قارمه قاریشیق حس ایدیورسك . بارکیرك صیرتنده
 یرلشوب اوطوره میورسین . ایشته بارکیرك بوزوق درت
 نعل کیدیور . آنک ایچون بویله اولیور . کبی اختارات
 ایله اوتوروشلری واسطه سیله حس ایتلری لازم کلان شیلری
 بلتدیرمکه غیرت ایدردم . درت نعلدن سرعتلی یه کچمـك
 عاداتایه کچمکدن دها قولای اولدیغندن ابتدالری درت نعل

ایله کیدرکن سرعتی به کچیریردم . بونک ایچ-ون عجمیلره
حقایق لرینی ایلمی سوروب بارکیرک صیرتی اوزرینه دقت-لی
یرلشم لرینی بعه یارم آلیقه ومق حرکتی اجرا ایتم لرینی
تنبیه ایتمش ایدم « سرعتی-مارش ! » قومانداسنی ویردیکم
وقت اول صورتله طورانملرینه دقت ایدردم .

❧ دایره اوزرنده درت نعل ایله حرکت ❧

بارکیر یوللرنده درت نعل ایله یورورکن بارکیرک صیرتمده
محکم ومتانتلی اوتورومق خصوص-صنده عجمیلره ایچه ملکه
کلش ایدی . درت نعل یورویشمده متانت لرینی دها زیاده
تحکیم ایچون دایره اوزرنده دخی مذکور درت نعلی یاپدیرمه
باشلادق . شوآندن اعتباراً درت نعلی کاه دایره ده کاه خط
مستقیم اوزرنده (بارکیر یوللرنده) اجرا ایتدیرردم .

بدایتده عجمیلرک دردینی بردفعه ده دیگر دردینی دخی
ایکنجی دفعه ده آلوب دایره ده عادتاً ایله سوق ایدردم .
عجمیلره دایره اوزرنده درت نعل کیدرکن طیش طرفه
آتیلیموب موازنه لرینی محافظه ایدم بیلملری ایچ-ون ایچ
حقایق لرینی اوزرینه دها زیاده اوتورملرینی ودایره حرکتی

بارك كيرك متصل دوغمنی اقتضا ایتدیردیکندن یالکز ایچ
دیزکیفی تأثیر ایتدیردرك دوندیرمیوب ایچ بالدیری دخی
قولانك اوستنه طیاره رق قوللانملرینی تنبیه ایتدم .

الحاصل عادتاً ایله دائره اوزرنده برابکی دفعه طولاشدیر
دقدن صوکر درت نعله کچیردم یورو توردم . و صوکر
سرعتلی به وعادنا به کچیردم درت نعل یورو رکن یاه مدیغ
تصحیحاتی یا عادتاً یورو رکن و یا خود طور دیردقدن صوکر
اجرا ایدردم . نهایت تام مانژه سوق ایدردم . دیگر
تعلیملری دخی تکرار ایتدیرمك ایجاب ایتدیکندن درت
نعل تعلیمی براغیر بشقه شیرله کچردم .

تفتیش (معاینه) .

کرك میر آلائی و کرکه یوزباشی گاه عجمیلرك تعلیملرنده
گاه بارکیرلرك تربیه سنده گاه اسکی آتولرک تعلیملرنده و قتلی
و قسز کلوب حاصل اولان رقیبی تدقیق ایدرلردی .
ایستدکاری شیئی ایسته دکلری وقت یایدیرزلردی . ظاهر
تعلیم و تربیه ایچون تعقیب ایدیلان اصول تدریجیه نك عقل
و حکمتیه موافق اولوب اولمدينی آکلامق ایچون اوله
یایارلردی .

تفتیشلری یابدقلری وقت کرک منفرد و کرکه (دردینی
بر دفعه ده دیگر دردینی دخی او بر دفعه ده المق اوزره) مجتمع
اوله رق تعلیملر اجرا ایتدیر لر دی . فقط تفتیشک کوئی
اوله خبر ویرمز لر دی .

« بن برکون باش چاوشه : یوزباشیمز تفتیشنی یاپه جنی
کوئی اوله خبر ویرمز اولیدی و عجمیلری برر و یاخود
دردر آنوب تفتیشی اجرا ایده جکنه انهای معاینه ده هپسنگ
بردن تعلیم ایتلرینی تنسیب ایتسه ایدی بز دخی ایوجه بینن
عجمیلری قواباشی یاباردق ، یابدیره جغمز شیلری صیره یه
قویاردق . تفتیشدن بر قاج کون اول حاضر لقلر یاباردق !
او وقت عجمیلرک مهارتلرینی ده ا یو یکنیدیرر ایدک ! دیدم .
باش چاوش بکا جواباً : ایشته بویله بر طاقم حاضر لقلر
ایله اوغراشوب وقت غائب ایده جککزی ، عجمیلری یوره جفکزی ،
معذب ایده جککزی ، آمرلرک کوزلرینه کول سرپه که قالقیشه
جفکزی و عجمیلرک بازگیرلرینی سوق و اداره ایده میه جککزی
درکار اولان شودورده تعلیمنامه نك اجرانی تجویز ایتدیکی
غلبه اقلی مجتمع تعلیملر معاینه ده اجرا ایتدیریلورسه بلوکلک
قوای ماده سنک اساسنی تشکیل ایدن بارگیرلره بالضروره
ایشکنجه ایدیه جکنی بیلدکارندن هم تفتیشک کوئی خبر

ویرمیورلر و همده غلبه لقلی مجتمعا تعلیملرک - نفتیشلرک -
اجراسنه مساعدده ایتمیورلر .

عجمیلرک تعلیملری باشلایه لی آلتی هفته قدر اولمش ایدی .
بومدت ظرفنده کرچه سوق و اداره یاردملری متحداً
کوستریله مدی . فقط مختلف یورویشلرده اوتوروش ایجه
تأمین اولندی ، یاردملرک منفرداً تأثیرلری دقلی اوله رق
آکلاتدیرلدی . مهارت بودرجه یی بولدقدن صوکر ا یاردملرک
متحداً تأثیرلریله حرکات سائره نک تعلیم و تعلیمی اوپونچاق
دورجه سنده قالدینی مجربدر . دیمک ، که اوقدر مدت طولانی
عجمیلرک اوتوروشلرینی تأمین ایدرک یاردملرک منفرداً صورتده
تأثیرلرینی اوکرتیه یاسمک شایان تقدیردر . عجمیلرک مهارت یی
اودرجه یه ایصال ایتمک آرز چالش مق ایلله اولمادی تعلیم
کونده اقل ۲ ساعت امتداد ایدیوردی . بورجه یی استیلا
تعقیب ایتدیکنمز اصول وجهله عجمیلرک مهارت یی استیلا
ایده بیلیورلردی . وقت غائب ایتماک ایچون نفسیمک استیلا
لزوم کورمزدم متصل اخطار و تصحیحات ایلله اوغیرلشوردم .
الحاصل ماکنه کبی ایشاردم . یورولمق بیلمزدم . مع مافیه
تربیه سی بکا تودیغ اولنان محاربه ارقداشیم سکزدن زیاده اولیدی
اوقدر چالیشمق ایلله برابر تربیه یی اودرجه یه یاقلاشدیرمه

بيله موفق اوله ميه جنمه قانع اولدم . اكر بر قسمده «برمانزده»
عجميلر مقدار مذكوردن چوق بولور و ايشك ايچنه برده
دقتسزلك كيرسه بخيلك يوكندن ياوان قاله جقلريني شهيدن
آزاده بولدم . شو آره لق بركون يوزباشيمزكلدي ، شمدى يه
قدر يابديردىغمز حركانك كافه سنى اجرا ايتديردى .

«تفتيشلرده آمرک حضورنده قوماندا ايدن معلمك
عجميلرده وقوعبولان قصورلرى تصحيح ايتمى و ياخود
خطالرندن طولايى تكدير ايتمى آداب عسكريه يه مغاير
اولدينى و يالكلر آمر معلمك درجه لياقتى آكلامق ايسترسه
عجميلرك قصورلرينى تصحيح ايتك ايچون ويره چكى امر
مخصوص اوزرينه معلمك اقتضا ايدن تصحيح حاقى اجرا
ايدم بيله چكى تعليمنامه ده مندرج اولديغنى معلم افندى بكا اخطار
و بنم دخى بوبابده قصور ايتماكه دقت ايامكلكمى تنبيه ايتدى .
ايرتسى كون اكر ايله تعليمه چيقمق ايچون او آخشام
امر آلدق .



ایکجی بیبا

اگر اوزرنده قنطارمه ایله تعلیم

اگر

آخوړلرده اکرلرک ای اورولسندنه (مائز تعلیمی صحیفه ۱۲۳ ... مراجعت) طیبی اونباشیلر ، چاوشلر طرفندن دقت ایډیلپوردی . بنم قسمی تشکیل ایډن عجمیلرک یالکیز ایکیسی بنم طاقه ماعداسی مختلف اونباشی طاقلرینه منسوب بولندقلری جهته هرکون تعلیمه چیقوب خط وسطده ترتیب اولندقلری کبی قاعده احتیاطه رعایتاً هپسنی معاینه ایلرایدم . اکرلرک اورولسندنه یا ککشلق کورسه م درعقب تصحیح ایډردم . اعمالات وانشا آتده کی نقصانی یاخود اکرلرک بارکیرلرک صیرتنه کوره اویدیرلمش اولمامسندن متولد فناقلری معلم افندی به خبر ویرردم .

— اوزنکی ایله بار کیره بینمک ویره اینمک —

اول اسرده بو حرکتی صابی ایله صوگرا صایسنز اوله رق
یابدیردم (مائر تعلیمی صحیفه ۱۲۸ ... مراجعت) .

— اگر اوزرنده اوتوروش —

عجمیلره اگر اوزرنده قاینقلری ایوجه یرلشدیره بیلیمک
ایچون اولیقلرینی قالچه دن چولده اولدیغنه نسبتاً بر برندن
زیاده آیرملری ویصلیغنه اگره تطبیق ایلملری ایجاب
ایتدیکنی کوستردم .

کذا چولده دیزلرله بار کیرک وجودی آره سنده طبیعی بر آره اق
قالدیغندن و بو حال ایسه بالدیرلری حال طبیعیده صارقیده رق
بار کیرک وجودینه متصل طومتفه و ایجاب ایتدکجه بالدیرلری
استعمال ایتمکه کوجلک و یردیکندن و بالعکس اگر بومشکلاتک
وقوعنه میدان و یرمدکن بشقه دیزلری ده اوطور اقلی
یرلشدیرمکی ممکن قیلدیغندن اکرده دیزلرک ایچ یوزلرینی
یاشدیرمه رق ده متاتله اوتورمقی قولای اوله جغنی عجمیلره
آکلاندم الحاصل چول اوزرنده اولدینی کی اکرده دخی

قایناقلرینی مساواة یرلشدیروب وجودلرینی طوغری
طوته جقلرینی ، بللرینی چقورلاته رق بالدرلرینی کریه
آله جقلرینی ، آپیش آره سنی اکرک اوک خانه سنه طوغری
سوره جکلرینی تفهیم ایتدم .

ایلك اوکجه اوزنکیسز تعلیم یاپه جغمز جهته مذکور
تعلیم ائناسنده اوزنکیلرینی اکرک اوک قاشی اوستنه ناصیل
قالدیروب قویه جقلرینی یره اینک لازمکلدیکی وقت اوزنکیلری
ناصیل آشاغی به براقه جقلرینی کوستردم . چولده اولدیغنه
نسبه اکر اوزرنده آتلو دها زیاده یوکسک بولنه جفتدن ؛
قولارک آلت قسملری ایله یومروقلرک دخی چولده بولندقلری
یردن دها یوکسکده قاله جقلری طبیی و حالبوکی شمdblک
بارکیک سوق واداره سنی چول اوزرنده اولدینی کی براقوب
تبدلاته اوغراتماق لازمه دن اولمغله عجمیلره یومروقلرینی
اوک خانه به — طوقوندیرماق شرطیله — یقین طوتملرینی
تعریف ایدرک اولوجهله طوتدیرردم .

چول ایله تعلیمک اکر اوزرنده

اوزنکیسز اوله رق تکراری

چول اوزرنده تعلیمده انخاذا اولنان اصول ایله یابدیرلش

اولان كافة حرکاتی شمعی صره سیه وینه او اصول تدریجیه به
 رعایه واولا بارکیر یوللرنده یابدیرمغه باشلادم . صوکر
 دائرهمه یابدیرلش اولان حرکتلی دخی اجرا ایتدیرردم .
 چول ایله تعلیمده غایت دقتی بر اصول تعقیب ایدلش
 اولدیفندن عجمیلر لزومی قدر ایلری کیتمش اولدقلری
 جهته اکر اوزرنده دخی آز مدت ظرفده بلا مشکلات
 كافة حرکاتی تکرار ایدرک اولبابده کی ملکه کی مطلوبه موافق
 بدرجهیه ایصال ایتک ممکن اوله بیلدی .

عجمیلری اکره اوردیرماق ایچون سرعتی ودرت نعل
 بورویشلرینک دوامی مدتی اوزانمزد . چول اوزرنده تعلیملری
 اکر اوزرنده تکرار ایتدکن واکرده دخی ابوجه یرلشوب
 اوتورمقده ایجه ملکه حاصل اولدقن صوکر عجمیلر یاردملرک
 متحداً اجرای تأثیر ایلملری ایچون نه وجهله استعمال
 اولنه جقلریخی اوکرتک صیره سی کلش ایدی .

﴿ اوتوروش دیزکین وبالذیر یاردملرینک متحداً ﴾

﴿ اصول استعماللری ایچون حاضرلق تعلیملری ﴾

بوتأثیرلری متحداً اجرا ایتکه آلیشدیرمق ایچون اول

بارگیری حاضرملق بعدہ بارگیری طویلالمق حقندہ کی تاثیر لری
(مانثر تعلیمی صحیفہ ۳۸ و ۳۹ و ۴۰ قہ مراجعت) و دیز کینلرک
طویلانہرق و یاخود طویلانہرق یالکر بالدیرلرک تاثیر
ایتدیرلمسیلہ ناصیل بالواسطہ تاثیر ایتدکریخی تعریف ایتدم .
بونلری طور دقلری یرده برر برر بلتدم .

آندن صوکر ا یوروشہ باشلامقدہ ، یورورکن ضبط
ایتمکدہ یعنی یارم آلیقومقدہ وبتون آلیقومقدہ و طور دیرمقدہ
یاردملری ناصیل متحداً تاثیر ایتدیرمک لازم کلدیکنی (مانثر
تعلیمی صحیفہ ۴۱ ، ۴۲ ، ۴۳ چہ مراجعت) تعریف ایتدم .
بعدہ عجمیلری برر برر آلہرق عادتا ایلہ یوروتدم
ویوروش اٹناسندہ دخی یایدیرہرق بوبادہ ملکہ کسب
ایتدیرمکہ چالیشدم . یوروشک تزییدی حالندہ مثلاً :
عادتادن اورتہ سرعتلیہ واورتہ سرعتلیدن اوزون سرعتلیہ
کچمکدہ ناصیل متحداً تاثیر اجرا ایدہ جکلریخی تعریف ایتدم
(مانثر تعلیمی صحیفہ ۴۴ دہ مراجعت) . صوکر ا عجمیلری
برر برر آلہرق عادتادن اورتہ سرعتلیہ و بو سرعتلیدن
اوزون سرعتلیہ و آلیقومق حرکتلریخی یایدیرہرق اوزون
سرعتلیدن اورتہ سرعتلی و بوندن عادناہ کچیرہرک و عادتادن
طور دیرہرق و تکرار عادتا یوروتہرک بارکیر یوللری اوزرنده

تعلیم استدیبردم . سوکرا بوحرکتلری عجمیلری اوچردردر
آلهرق مجتمعا دخی یایدیردم .

بارکیری حاضر لامقده ، طوبلامقده ، یورویشه
باشلامقده . یازم آلیقومقده ، بتون آلیقومقده ، یورویشی
تزیید ایتمکده اوتوروش بالدير و دیزکین یاردملری متحدا
استعمالده بردرجه به قدر مذکور حاضرلق حرکتلریله ملکه
حاصل اولدقده یاردملرک متحدا تأثیرلریله بارکیره ایکنجی
وضعیتی آلدیرمه و بووضعیتده عاداتا یورویش ایله یوروتهرک
یالباده دخی ملکه کسب استدیبرمه چالیشوردم .

« قیصه سرعتلی ایله یورورکن ایکنجی وضعیتی آلدیرمق
ایلمنی ایلریده مذکور یورویش اوکر دلکدن سوکرا یایدیرمق
قرر ایدی . »

بوایکنجی وضعیتدن سوکرا دونمکده ، چرخ ایتمکده ،
والحاصل دایره اوزرنده حرکت ایتمکده یاردملرک متحدا
صورت استعماللری عجمیلره بربر اوکرتدم (مانر تعلیمی
صحیفه ۴۸ ، ۴۹ ، ۵۰ به مراجعت) بعده قسمک بریارینی
اولا دیگر یاریسنی دخی آندن سوکرا عاداتا ایله دایره به سوق
ایتم . مذکور یاردملری اجرا ایتمکده ملکه کسب استدیبرمک
اوزره عاداتا ایله یوروتور و ایجاب ایتدجه طور دیرر تصحیح
ایدر و تکرار عاداتا ایله یوروتوردم . نهایت سرعتلی به

چکروب بربور ویشده دخی مذکور یاردملرک اجرا سنده ملکه کسب ایتدیرمهک چالیشوردم . الحاصل یاردملرک اصول استعمالی ودرجه تأثیرلری دائماً باریک حس طبیعی سینه وپایله جق حرکتک آنجق ایجاب ایتدیردیکی درجهیه نظراً اولوب اکا کوره تنظیم ایدملری لازمه دن اولدیغنی عجمیلره آکلا تدم . ایشه بیان ایتدیکم برطاقم حاضرلق حرکتیه یاردملرک متحداً اصول تأثیرلری بدرجهیه قدر اوکرتدم .

— اوزنکی —

آرتق عجمیلرک چوغی یالکز ایجاب ایتدیکی وقت — بلا اختیار دکل — قوللری ، یومروقلری ، بالدیرلری سربست اوله رق تحریک ایتمکه و قالدیرلی او یلقلرندن آچوب اگر اوزرینه قیناقلری صالیویرمکه و او یلقلری یصلغنه اکره تطبیق ایتمکه ملکه کسب ایتملردی . او حالد اوزنکی آلدیرمق زمانی کلش ایدی . مع مافیه جمله سنک قابیلتری بدرجهده دکل ایدی . ملکه و مهارتلی کوریلنلره اوزنکی ویردم (مانثر تعلیمی صحیفه ۱۳۲۰ ۱۳۳۰ چه مراجعت) . کورو قالانلرده آنجق برقاج کون صوکر اوزنکی آلدیره

بیلدم . آیاقلرك ئلت اولنى اوزنكىنىك اوك قولى طیشاروده
 قالقى اوزره اوزنكى به صوقه جقسلرىنى واوزنكىنىك طیش
 قولنىك ایچ قولندن دها ایلریده بولنسی لازم کلدیکنى سويلهدم .
 ینه عمومته خطاباً : شمدى به قدر اوزنكىسىزلکدن آیاق
 مفصللرىنى « طوبوقلرىنى » سرت طوتمه آلشمش ایدیکز .
 حالبوکه اوزنكى طاقديفکز وقتده اوبله طوتارسه کر عكس
 ضربهلرک تأثیرندن طولابى اکرده یایشوب قالقى سزك ایچون
 ممکن اوله ماز . عكس ضربهلرک تأثیرى خفیفلتمک ایچون
 طپوق مفصللرى کوشك طوتلملى ، دیزلری کروب اوزنكى
 اوزرىنه یوکلماملى ، آیاقلرك برونلرىنى آشاغى به ایندیر ماملى .
 شمدى شو سويله دیکم شیئلری یامغه قولای آلشقى ایچون
 ایلک اوکجه اوزنکیلر ايله مشغول اولمیکز . یالکز اوکرشمش
 اولدیفکز بالدير وضعیتی محافظه ایتمه ، طپوق مفصلانى کوشك
 طوتمه دقت ایدیکز دیدم . بارکیرک سریع حرکاتنده اکره
 حقیفجه وهروقت عین نقطه به دوشملرىنى وبونک ایچون دیز
 واولوقلریله اکرى بر آرز صیقللرىنى دخى سويلدم . اوزنكى
 ايله تعلیمک ابتدالرنده عجمیلره بالدير وضعیتی اونوتدیر مامق
 ایچون واوزنكى آیاقلرندن فرلادینى وقت تکرار سهولتله
 آلمنى اوکرتمک ایچون اوزنکیلری کاه بر اقدیرر کاه
 طاقدیرردم اوزنکیلری اللریله یاردم ایتمکسزین وابقهسزین

طاققلىرىنى طلب ايدردم . طپوق مفصللىرىنى يوشاتىق ايجون .
 اوزنكلىرى براقدير دىقچە آياقلىك برونى آشاغى يە اينديروب .
 قالدېرمىق حر كىتى «آياغك برونى ايندير ! — قالدېر !
 قومانداسيله ، و آياغك دونديرمىك حر كىتى «آياغى ايجرى
 (طيشارى) دوندير — طور ! قومانداسيله ، صيق صيق
 ياپديرردم . اكر اوزرنده عجميلرك اوتوروشلىرى تقويه
 ايجون شمدى يە قدر ياپديريلان حر كات وبورويشلىرى تىكرار
 بىكارار اجرا ايتىمكه دوام ايدردم . « دونشلىر ، چرخلىر ،
 يىناشق حر كىتلى اجرا اولتوركن وجودك آغزلىنى ايج طرفه
 ويريله جىكندن ديز و آياق مفصللىرىنى كرمامك اوزره ايج
 اوزنكى اوزرىنه بر آز زياده استناد ايتىلىرى دىخى شوصيرهده
 آكلاتدم . »

❦ مهموزلىر ❦

اوزنكى ويرلدكدن تقريباً ايكي هفته قدر صوكر ايدىكه
 عجميلر ياردملىرى متحداً استعمالده ايجە كىسب مهارت
 ايتىشلىردى . او آره لىق اك قابىلىتى اولتورىنه يعنى بالديرلىرى
 دىكر ياردملىرايله متحداً استعمال ايدركن بلا اختيار مهموزلىرى
 بار كيره طوقوندير ميه جقلىرىنه امين اولديقمىز بر قاچنه مهموز

طاقدیردق . دیکرلرینه دخی شوقاعدهیه توفیقاً دها صوکر
برر ایکیشر طاقدیره بیلدک .

مهموزلری ایلك طاقدیردیغمز وقت نه وجهله استعمال
ایده جکلرینی تعریف ایتدم . یالکز بالدر تاثیر ایتدیررکن
بارکیره مهموزده تاثیر ایتماک ایچسون اوکچلرینی آشاغی
باصوب آیاق برولرندن آشاغی طومغه دقت ایتلرینی تذیه
ایتدم . بوصورتله بر ایکی کون تعلیم ایتدیردکن صوکر
بارکیری غجقلامیه جق وخویلا بیدیرمیه جق وجهله آنلری
ناصیل قوللانملری ایجاب ایتدیکنی وقانی آغرو تبیل بارکیرلده
واجراسی زیاده قوت صرفنه متوقف اولان حرکانده قولانلرک
برال کنیشلکی قدر کیروسنده آز ویاخود چوق طیامق
وبارکیره مجازات اولمق اوزره قوللانمق لازم اولدینی وقت
ینه عین محله فقط تاثیرلری بر ویاخود برقاچ کره تکرار
ایتدیرلک ایجاب ایلدیکنی هر برینه آیری آیری تعریف
ایتدم (مانر تعلیمی صحیفه ۳۶ و ۳۷ یه مراجعت) . صوکر
ایجابی وجهله قوللانملرینه دقت ایدر ایدم . منفرد تعلیمی
مجتمع تعلیمدن زیاده حتی مجتمع تعلیمی بیله آنجق درت
عجمی بی برلشدیره رک یابدیردیغمز جهتله شونظارت وتصحیح
کیفی قابل اولیوردی .

• بوآرهلر معلم افدینک اخطاری اوزرینه تعلیم

انسانسندە عجميلرك باركيرلرني آرە صيره بيلرلنده تبديل
ايتدير يوردق . (مائز تعليمي صحيفه ۹۴ دە مراجعت) .
مهموز طاقديرديغمزك ايرتسي كوني باركيرني دكشديرديكمز
برعجمينك بالديرلرينك سربسيتته خلل كله جك قدر اوتوروشنده
حاصل اولان اطراد سزلقدن طولاني بالديرلرني تأثير
ايتديرركن اوچكهرلرني آشاغىيه باصمغه موفق اوله ميهرق
مهموزلري بلا اختيار باركرك قارننه طوقونديني كورولدى .
بوندن آكلادق كه ياكلشز ، يعنى مهموزلري طاقديرمقدمه
عجله ايتشز . بونك اوزرينه معلم افنديك امريني آلدن .
او عجمينك مهموزلرني همان چيقارتدردن . اون كون صوكرايه
قدر مختلف باركيرلره ينديرمك ايله اوتوروشنك تقويه بولديني
بالديرلرني استديكي كبي قوللانمقدمه اقتدار كسب ايلديكي
مشاهده اولنديغندن معلم افنديك مساعده سيله اكا تكرار
مهموز طاقديردن .

❦ باركيرلري طوغرى سوق ايتمكي طلب ❦

عجميلرك اكر اوزرنده اوزنكي ايله اوتوروشلرنده ايجه
مناات و ياردملري متحداً استعمالده خيليجه مهارت كسب
ايلدكلري كورولساكه آرتق باركيرلرني باركير يوللري اوزرنده

طوتوب خارجه چيقليرينه ميدان ويرماملري و آنلري ممکن اولديني قدر طوغري سوق ايلملري خصوصنده بشقه جه نظر دقتلريني جلب ايلمکه نظر دقتي حصر ايلدم . (مائر تعليمنامه سي صيفه ۱۳۴ ده مراجعت) .

❦ ياردملرک تأثيرلريني متحدآ اجرا ايدرک ❦
❦ آتيده کي حرکاتي ياديرمق زماني کلش ایدی . ❦

عجميلري ياردملرک متحدآ اصول استعماللري يوقاروده بيان اولنان برطاقم حاضرلق حرکاتيله بدرجه به قدر بلتديرلمش اولديغندن بوندن صوکرآ آتيده کي پروغرامده بيان اولنان حرکاتي صره ترتيبلرينه رطابت ايدرک وخذالرنده ارائه اولنان مائر تعليمنامه سي صيفه لرينه مراجعت ايليه رک تعليمنامه نك طلب ايتديکي وجهله صورت منتظمده هرکون وياخود کون آشوري يالکز بردانه سني باشلاته رق ياديربيور- دق . برطرفدن کچمش اولان حرکاتي دخي تکرار ايتديربيوردق . عجميلر دها سربست حرکت ايليه بيلمک ووقوع بولان خطالري سهولتله کوريلوب تصحيح ايديله بيلمک همچون آتيده کي حرکاتي مجتمع اوله رق ياديرديغمزوقت دخي

آنچق درت عجمی بی بردن حرکت ایستدیرر ایدک ، دها فضله
عجمی یوروتماز ایدک . اوحالده کندیلر یله مشغول اولمديغمن
عجمیلر مائرك برکوشه سنده کندی کندیلرینه معلمک اختاری
وجهله تعلیم ایدر لر ایدی .

منتظم صورتده یاپدیر یله جق حرکاتک صره سی

- ۱ — خط وسط ترتیدندن برره کچمک د چوزولمک —
(مائز تعلیمی صحیفه ۶۹ زه مراجعت) بوندن بویله هرکون
بو حرکتی اجرا ایدرک تعلیمه بدأ ایدیور دق .
- ۲ — تام مائزده یان دکشیدیرمک — (مائز تعلیمی
صحیفه ۷۲ یه مراجعت) .
- ۳ — تعلیمدن سوکرا صف حرب اولمق — (مائز
تعلیمی صحیفه ۷۳ چه مراجعت) .
- ۴ — اورته سرعتی د دقیقه ده ۳۰۰ خطوه — (مائز
تعلیمی صحیفه ۷۶ یه مراجعت) .
- ۵ — طورورکن سرعتی یوروتماک — (مائز تعلیمی
صحیفه ۸۰ نه مراجعت) .
- ۶ — سرعتی بی اوزاتماق د دقیقه ده ۴۰۰ خطوه یه قدر —
وقیصالتماق — (مائز تعلیمی صحیفه ۸۰ و ۸۱ ره مراجعت)

- ٧ - بارکیرہ ایکنجی وضعیتی آلدیرمق - (مائر تعلیمنامہ سی صحیفہ ٤٧ و ٤٨ به مراجعت) و تام و یارم مائرده و یا دیگر بر صورتله یان دکشدیرمک - (مائر تعلیمنامہ سی صحیفہ ٨٣ چه مراجعت) .
- ٨ - دائره اوزرنده حرکت (مائر تعلیمنامہ سی صحیفہ ٨٣ چه مراجعت) .
- ٩ - دائره دکشدیرمک « بو حرکتده قواباشنی دخی بعضاً دکشدیردک » - (مائر تعلیمنامہ سی صحیفہ ٨٦ و ٨٧ . . مراجعت) .
- ١٠ - دائره کوچولتمک - (مائر تعلیمنامہ سی صحیفہ ٨٨ مراجعت) .
- ١١ - دائره بیوتتمک - (مائر تعلیمنامہ سی صحیفہ ٨٩ . . . مراجعت) .
- ١٢ - چرخ حرکتی « ایلک اوچکه چرخ دائره لرینک عین بیوکلکده اولسنه دقت ایتمزدک » - (مائر تعلیمنامہ سی صحیفہ ٩١ ره مراجعت) .
- ١٣ - کیویه چرخ حرکتی - (مائر تعلیمنامہ سی صحیفہ ٩٣ مراجعت) .
- « ٧ الی ١٣ نومرولر ایله ارانه اولسان حرکتی اولادانا ایله سوکرا سرعتلی یوروشله یابدیریوردق .

- ۱۴ — مائترك كوشه لرینی لایقی وجهه له كچمك —
(مائترك تعلیمنامه سی صحیفه ۷۹ ۰۰۰ مراجعت) .
- ۱۵ — سرعتلی ایله صف حرب اولوق — (مائترك
تعلیمنامه سی صحیفه ۹۴ ۰۰۰ مراجعت) .
- ۱۶ — اولك قسم اوزرنده دونش — (مائترك تعلیمنامه سی
صحیفه ۹۵ ۰۰۰ مراجعت) .
- ۱۷ — آرد قسم اوزرنده دونش — (مائترك تعلیمنامه سی
صحیفه ۹۷ ۰۰۰ مراجعت) .
- ۱۸ — اورته قسم اوزرنده دونش — (مائترك تعلیمنامه سی
صحیفه ۹۹ ۰۰۰ مراجعت) .
- ۱۹ — كری یورومك — (مائترك تعلیمنامه سی صحیفه
۱۰۰ ۰۰۰ مراجعت) .
- ۲۰ — بازگیر یوللرنده یناشمق — (مائترك تعلیمنامه سی
صحیفه ۱۰۳ ۰۰۰ مراجعت) .
- ۲۱ — مائترك اورته سنده ترتیب اولغش ایکن یناشمق —
(مائترك تعلیمی صحیفه ۱۰۸ مراجعت) .
- ۲۲ — طوغری درت نعل یوروتتمك — (مائترك
تعلیمنامه سی صحیفه ۱۱۲ ۰۰۰ مراجعت) .
- ۲۳ — دائره اوزرنده طوغری درت نعل — (مائترك
تعلیمنامه سی صحیفه ۱۲۱ ۰۰ مراجعت)

۲۴ — آجیق وقبالو مانزلرده اجرا اولسان اورت
دورت نعلک (دقیقه ده ۳۵۰ خطوه) اورتہ سرعتی مثللو
تام مانزلده و دائره اوزرنده اجرایی (مانزل تعلیمنامه سی صحیفه
۱۳۵ شه مراجعت) .

۲۵ — ضیقجه صیقجه اجرا ایتدیریلہ جک حرکات [بو آنه
قدر کوستریلان حرکات علی الخصوص سرعتی یورویشلرینک
برندن — یارم آلیقومق وبتون آلیقومق « طور دیرمق »
واسطه لرله — همان دیکرینه کچمک ویاخود بشقه بر یورویشدن
طور مش ایکن سرعتی به کچمک و سرعتی یورورکن طور دیروب
برقاج خطوه کری یوروتک و تکرار سرعتی به کچیرمک
و سرعتلیدن دورت نعلہ و دورت نعلدن تکرار سرعتی به کچمک
حرکتلریدر [دورت نعلدن یارم آلیقومق وبتون آلیقومق
(طورمق) حرکتلرینک — تعلیمک واصل اولدینی شو
درجه سی هنکامنده عجمیلر یاردملرک تاثیرلرینی ایجه اجرا
ایده جک بر اقتداری کسب ایتمش اولدقلرندن — دخی سریع
یورویشلر اجرا اولنان آلیقومق حرکتلرنده ملکہ حاصل
ایتدیرمک ایچون بو آراق صیق صیق اجرایی پک فائده لی
اوله جغنی معلم ائندی اخطار ایتمش ایدی . (مانزل تعلیمنامه سی
صحیفه ۱۳۶ مراجعت) . آنک اوزرینه مذکور حرکتلری
دخی اجرا ایتدیرمک باشلادیق . (۱۱۹۱۰) نومرولی

حرکاتی بوضوح در دلت نعل ایله دخی اجرا ایتدیرمکه بدأ ایتدک . چرخ وکیویه چرخ حرکتلری درت نعلک آنجق . قیصه سیه اجرا اولنه جفتدن مذکور حرکاتک اجراسنی قیصه درت نعلک اجراسنی زماننه تعلیق ایتمش ایدک .

۲۶ — یومیه یابدیربله جق تعلیم (قسمده بولنان عجمیلرک کافه سنی راحت حالنده یوروتتمک مائزک ایچنده طاغیلوب استدلری کبی — آیری آیری — حرکتیه مساعدیه ایتک وایجاب ایتدیکجه برینی آلوب تعلیم ایتدیرمک و مختلف یوروشلر ایله موانعدن آتلاق) — (مائز تعلیمنامه سی صحیفه ۱۳۶ به مراجعت) .

۲۷ — انکلیر سرعتلیسی « قولای سرعتلی » — (مائز تعلیمی تحیفه ۱۳۶ به مراجعت) .

تفتیش یاخود معاینه

یوزباشیمز معتادی وجهله برکونینه تعلیمکاهه چیقمش ایدی . اوزاقدن سیر ایتدی . همان بزه طوغری کلدی ، مائز مزه کیری ویردی . عجمیلری اولابری بر آلهرق وقوماندالری بکا ویردیره رک شمدی به قدر یابدیرمش

اولدیغمز حرکاتی اجرا ایتدیردی بعده منفرداً یاییلان حرکاتی
 عجمیلرک اولا یاریسنی بعده دیگر یاریسنی آلوب مجتمعاً
 یاپدیرمقلغمی امر ایتدی . منفرداً معاینه ایدیلان حرکاتی
 مجتمعاً دخی یاپدیردم . صوگرا بزم مانژدن چیقدی دیگر
 مانژلرده کی عجمیلری تفتیشه کیتدی . معاینه لر بتدی . یایدوس
 اولدی . ابرتمی کون کم ایله تعلیمه باشلامق ایچون اخشام
 امر آلتدی .

اوجنېبنا

— كم ايله اجرا اولنان تعليم —

— كم —

عجميله كم باشلق طاقنك اقسامى واسملىرى (مانثر
تعليمنامه سى صحيفه ۱۳۹ ۰۰۰ مراجعت) . قغوشلرده
وبار كيرلره كم باشلقى اورمق (مانثر تعليمنامه سى صحيفه ۱۴۱
ره مراجعت) . وباشنه مذكور باشلق اورولش اولان
بار كيرلرى يدكده اوله رق مانثره سوق ايتك (مانثر تعليمنامه سى
صحيفه ۱۵۵ شه مراجعت) اصوللرى آخورلرده كندى
طاقم اونباشيلرى طرفندن اوكره دلمش ايدى . باشلق اورمق
تعليمنى يادير ركن طيبى قايش يولار اصولى وجهله وايجابنده
يولارى چيقارمق سزىن كمك باشلقى چيقارمق ممكن اوله جق
صورته باشلق طاقدير يلدوردى . كمى آزويه آلفه مبال
اولان بار كيرلر ايجون قوللانيسلان صولق قايشنك ناصيل
طاقيله جنى دخى اوكره ديلوردى .

➤ مائزك خط وسطیسی اوزرنده آرالقسنز ➤

➤ صف حرب نظامنده ترتیب اولمق ➤

تعلیمه چیقلدی . بارکیرلره کم اورولمش ایدی . عجمیلر
قسملره آیرلایلر . بوندن بویله کم ایله تعلیم اجرا اولنه جنی
— قنطارمه تعلیمی تکرار اولندقدن صوکرآ — وعجمیلرک
ملکه ومهارتلینی صره ودیزیلردن متشکل صف حربه
داخل اولدقلری وقت حرکت ایده بیله جک بردرجهیه ایصال
ایتمک اوزره چالیشیله جنی جهته آراتق تعلیمه چیقلدقجه خط
وسطده آره لقسنز اوله رق صف حرب نظامنده طوردر-
یلوردی . (مائز تعلیمنامه سی صحیفه ۱۵۶ به مراجعت)
آنک ایچون بن آره لقسنز صف حربه کیرک، اخبارینی ویردم .
(برره بوزولمق وتکرار مائزده یناشیق بر صره اوزره
ترتیب اولمق حرکتی معلوم اولان اصول اوزره اجرا
اولنیوردی .) عجمیلر خط وسطده آره لقسنز صف حربی
تشکیل ایتدیلر . صف حربی تشکیل ایتدکیرینی کوردیکم
کبی کم دیزکیملرینی بارکیرک بیونی اوستنه ناصیل قویه جقلرینی
هر برینه آیری آیری (مائز تعلیمنامه سی صحیفه ۱۵۶ به
مراجععت) کوسترده

پیایا اوله رق خذایه کلک

خذایی قنطارمه ده اولدینی کبی آله جقه لربی اخطار
ایتدم . آره لقسر صف حرب تشکیل اولندیقندن دانه نمک ،
و دیره اینمک ، ایچون ایکیشر صایدیرمق ایجاب ایدیوردی .
(مائز تعلیمنامه سی صحیفه ۱۵۶ به مراجعت) .

« ایکیشر صای ، قومانداسنده صاغدن صوله طوغری
ایکیشر صایه جقلربی هرکسک کندی صایسینی بللمکه مجبور
اولدینی سولدم و صایدیردم .

عجمیلرک و بارکیرلرک قیافتلربی ، باشلق ، اکر ، طاقنی
کوزدن کچیردم . باشلق ویا اکرک اورلمسنده بولدیقم قصورلری
تصحیح ایتدم . عجمیلره بینمزدن اول بارکیرک نعللرنده ،
باشلق ، اکر طاقلرنده برقصور برسقطلق اولوب اولدینی
تحقیق واقضا ایدرسه تصحیح ایتدیکجه بینمالربی اخطار
ایتدم . شومهم معاینه بی دائما یاقمه و قصورلری بولمه
آلیشدرمق ایچون هرکون کوزومک اوکنده بارکیرلربی
کندولرینه معاینه ایتدیروب که ذلله اندشمان قصورلری
وار ایسه آنلره کوستررد .

آته بینمک ویره اینمک ❧❧❧

بوحرکتلری ناصل یایه جقلرینی تعریف ایتدم . (مانثر
تعلیمنامه-سی صحیفه ۱۵۶ و ۱۵۷ و ۱۵۸ زه مراجعت) .
وهربرینه آیری آیری یاپدیردم

کم و قنطارمه دیزکینلرینی صول الده طوتمق ❧❧❧

دیزکینلری ناصیل آله جقلرینی نوجهله طونه جقه-لرینی
عجمیلرک هربرینه آیری آیری تعریف ایتدم کم دیزکینلرینک
تا خلقه لرندن یومروغه قدر ایچ طرفده بولندیرلمسی ، قنطارمه
دیزکینلرینک دخی کم دیزکینلرینک طیش طرفندن آشاغی یه
صارقتلمسی ، و دیزکینلرک یوزلری طیشاری یه وترس طرفلری
ایجرویه طوغری متوجه اولمق اوزره طوتلمسی لزومنی
اخطار و تفهیم ایتدم . (مانثر تعلیمنامه-سی صحیفه ۱۴۷ یه
مراجععت) .

صول یومروغک وضعیتی ❧❧❧

کم دیزکینلرینی خفیف کرکین بولندیره جق وجهله صول

الد طومتق و یوسروغی قارنك درت پرمق اوزاغنه —
 قنطارمه ده اولدینی کبی — کوتورمك و فقط قارنك اورته سی
 قارشوسنده طومتق (مانز تعلیمنامه سی صحیفه ۱۴۸ زه مراجعت) .
 وصاغ قولى طبیی اوله رق اوموزدن آشاغی براقق ایجاب
 ایتدیکنی سویلدم . وهربرینه آیری آیری بووضعیتی آلدیردم .

❦ قنطارمه بی آلمق و براقق ❦

بوحرکتلر هربر نفره آیری آیری تعریف اولندی
 وده عملیاتی یابدیرلدی . طبیی قنطارمه دیزکی صاغ اله
 آلدینی وقت قنطارمه تعلیمنده کی برنده طوتیلیموب صول
 یوسروغك برال آسکی اوزاغنده طوتیله جغنی دخی کوستردم .
 (مانز تعلیمنامه سی صحیفه ۱۴۹ ، ۱۵۱ ره مراجعت) .

❦ كمك مانوه لا اولدینی و قنطارمه دن ❦

❦ چوق زیاده تاثیر ایلدیکی ❦

قنطارمه المق و براقق حرکتلرینی عجمیلرك کافه سینه
 اؤکرتمش ایدم . معلم افندی کلدی . كمك مانوه لا کبی تاثیر

اجرا ابتدایکمی و تأثیری قنطارمه دن چوق زیاده ، مؤثر اولدیفنی .
عجمیلره سوبلیه جک ایدی . (مانثر تعلیمنامه سی صحیفه ۱۴۹
سطر ۱۶ به مراجعت) .

شویولده آکلاتمه به چالیشدی :

« چو جقلمر ! قنطارمه نی بیلور سکز - آنی کوستره رک -
اورته سی منته سی بر نیوردر . ایکی اوجنده بولنان حلقه لرم .
برر دیزکین طاقیلشمه سدر . بو قوللانیلدیفنی وقت بارکیرک
دوداق یرتماجلرینه طیانور . کیرویه طوغری بالا واسطه
بر تأثیر حاصل ایتک ایچون آغیر برشیء سور و کلمه کده واقع
اولدیفنی کبی آصیلوب جکمک ایجاب ایدرکه بو صورتله نقدر
قوت صرف ایدر سه کز اوقدر بر تأثیر حاصل ایتک لازم
کیرکن دوداقلر لایق کبی اولدیفندن صرف ابتدیککیز
قوتک درجه سندن آز بر تأثیر حاصل اولدیفنی کورور سکز .
کله لم که :

بر قاج کشی قوجامان بر طاشی بو وار لاق ایچون طوپلانوور
قوتلری آنی قلداتمه بیله کفایت ایتمز . صوکر ا بریسی
اوزونجه بر نیور آلور ، براوجنی طاشک بر طرفندن آلتنه
طوغری سورر دیگر اوجنی ایکی الیه طوتار وها بره دیوب
طیاندیفنی کبی طاشک قولایلقله بو وار لاندیفنی کورور سکز .
اونیوره « مانوولا ، دیرلر . بواسی ایشتمه شککیز وارد

دکلی ؟ دیمک ، که بومانوه لای المزدہ بروا سطره کبی قولانور سه ق
 الک ضعیف بر حرکتی ایله بیلہ ایچسه چوق بر قوت حاصل
 ایدہ بیلہ جکیز . ایشته کم دخی بویلہ در . با فکیز ! — کمک
 قوللری کوستره رک — بار کیرک آغزینک ایکی یانده بر رتیمور
 وار ، آنلرک یوقاریکی اوجلری باغلی — آصقی دلیکلرینک
 یناقلق قایشلرینه طوقه لاندقلری یری کوستره رک — یعنی
 بریره طیانمش — مانوه لانک یره طیانمش براوجی کبی —
 دیمکدر .

کمک قولنک « تیمورک » اورته سنک بر آز دها یوقاروسندن
 وایچ طرفدن بر تیمور دیرسک آیریلوب بار کیرک آغزینک
 ایچنه کیدیور ، چکه سنه و آزو بوشانی اوزرینه حقیف
 تماس ایتمش طور بیور ، یعنی تیمورک اوجی باغلاندینی یره
 طیانمش قول دخی دیرسکی ایله آزو بوشلغنه یاصلانمش بولنیور .
 طاشک آنته سوریلان مانوه لانک اوجی یره طیا دیابور
 ومانوه لا دخی طاشنه یاصلاندیریلنیور دیمش ایدک ! شمعی
 کمک دخی بار کیرک آغزنده عین طرزده طور دیغنی کوردیگیز
 دکلی ؟ او یله ایسه کمک آشاغیده بولنان اوجلرینه صاریلوب
 یعنی او اوجلرینه طاقلمش اولان دیزکینلری طوبایلوب
 کیرویه چکه جک اولور سه ق مانوه لاده اولدینی کبی آز قوتله
 چوق تأثیر حاصل اوله جق دکلی ؟ شبهه یوق که اوله جق

تكم دیر سکنك نازك ، حساس بریره طیاندیغنی دخی دوشو نورسه کیز « بومانوله ، حیوانك آغزنده چوق سرت بر تاثیر حاصل ایده جکنه آرتق شبهه ایتز سگیز .

دقت ایدیگیز کم دیز کینلری چکیورم — کیروبه طوغری چکوب بر اقدقن صوکرا — برده یالکیز قنطارمه پی چکیم ! کوردیکیزی ؟ قنطارمه ده زیاده آصیلدیغ حالد بار کیر قنطارمه نك آغز لافنه طیانهرق باشی یواش یواش طوبلادی . کمد بویله اولدی . بار کیر بونك خفیف تاثیرینه بیله هیچ بر مقاومت کوسترمیه رك قنطارمه به نظر آدها چابق ودها زیاده متأثر اولدی . یا چوق تاثیر ایتدیرمش اولیدم ؟ بیچاره حیوان نه حاله کیره جکدی ؟ بو حیوانلر محاربه ده بزه ارقداشلق ایده جکلر در ! هر حاله بونلر انسانك منفعتنه خدمت ایدن ، ایجاب حاله چوق صداقت کوسترن حیوانات مبارکه دندر . آنک ایچون صادق بر ارقداشه ایدلمسی لازم کلان حسن معامله پی کورمکه لایقدرلر . آکلادیگیز یا ؟ کم مانوله کبی آز قوتله چوق تاثیر یاپیور . اویله ایسه بز بار کیرلری سوق ایتک ایچون بومانوله لای قوللانه جغز اما بونك تاثیر قنطارمه دن چوق زیاده اولدیقندن حسی چوق اولان بار کیرلرک آغزلری انجتمک ، ییلدیرماق وحسلری آز اولان بار کیرلرک دخی تکه طیانمغه اله آصیلمغه — بردنبره آجی سرت بر تاثیر

طویعقدن کندولرخی قورتارمق ایچون بویله شیلره مراجعت ایدرلر — آلیشمه لرینه سببیت ویرمامک و بویله طبانه طبانه بسبتون زواندک حسلرخی غائب ایتدیرمامک ایچون کمی غایت دقت ایله وخفیف اوله رق قوللانملی و هر بر حرکتده تأثیرلرک اک آزدن باشلاملی وایجاب ایدرسه یعنی اوتأثیر کفایت ایتمزه آغر آغر زیاده لشدیرملی .

- ❖ کمک تأثیری حقهنده بر فکر صحیح ویرمک یعنی
- ❖ بارگیره بر حرکت یاپدیرمق ایچون کمی پک خفیف
- ❖ تأثیر ایتدیرمک کافی اولدیغنی عجمیلره آکلاتمق ایچون
- ❖ یالکیز قنطارمه نی قوللانهرق یاپدیریله جق حرکات

معلم افندی اوله جه کمک قنطارمه دن چوق زیاده مؤثر اولدیغنی عجمیلره آکلاتدقدن صوکر ا بکا خطاباً دیدی که : کمک تأثیری قنطارمه دن چوق زیاده شدتلی اولدیغندن بر حرکت یاپدیرمق ایچون کمی خفیف تأثیر ایتدیرمک کفایت ایده جکنی عجمیلرک بالذات اجرا ایده جکری تأثیر اتمه مشاعده ایدرک اکا کوره طورانه بیلملری ایچون اولبایده

برحس قزانمەلری الزمدر . بوايسه آنجق عمليات ايله حاصل
 اوله بيلور . چونكه تعليم ياپاركن ديزكىنلرك اجرا آت
 وتأثيرلر بىنك باركىرلرده حصوله كتيره چكى فەمللرى عجميلر
 بللذات حس ايدە جكلردز . بوصورتله كمك تأثيراتنى عملى
 اوله رق تقدير ايدە جكلردز . بونك ايجون شمدى عجميلره يالكنز
 قنطارمه ديزكىنلرinx آلديره رق وكم ديزكىنلرinx ايسه كم
 باركىر لك آغزنده راحت قاله جق وجهله صول الله طوبلا تده
 يره رق — بو حالده كم ديزكىنلرى خفيف كر كين ديكلهميه جك
 درجه ده صارقىق بولنه جق — بو آنه قدر قنطارمه ايله
 ياپيلان كافه حركاتنى [مثلاً حاضرله مق ، طوبلامق ، يورويشه
 باشلامق ، بوروركن باركىرى ضبط ايتكم يعنى يارم آليقو مق
 وطوردير مق حركتلرinx وبونلرى تطبيق ايتكم ايجون
 ياپديريلان حاضرلى حركاتنى (طوروركن بورومك ، عادتا
 بوروركن اورته سرعتلى به كچمك ، وبوندن اوزون سرعتلى به
 كچمك ، وصو كرا اوزون سرعتلیدن اورته سرعتلى به كچمك ،
 بوندن دخى عادتا به كچمك وعادتادن طوزمق وتكرار عادتا
 يوروتكم ، قيصه سرعتلى بوروركن ايكنجى وضعيته يوروتكم ،
 والحاصل كرى يوروتكم (تعليملرinx) صره سيله ياپدير
 فقط بوانساده يالكنز تام مائزده يوروت (مائز تعليمنامەسى
 صفحه ۱۵۰ سطر ۹ زه مراجعت) . وقنطارمه ايله تعليمك

آرتق صـوك زمانلرنده حاصل اولان قابليتك مساعده
ایده چكى درجه ده بار كيرلرني طوبلامه لرني شمديلك طلب
ایتمه ! (مانثر تعليم نامه سی صحیفه ۱۵۰ سطر ۱۰ نه مراجعت) .
بوسوزلری سويلدكن صوكر ا بورودی اوبرمانزه كيتدی .
عجميلرك يالكىز قنطارمه ديز كينلرني قوللانق ايله كمك
تأثيری حقنده ناصیل صحيح بر فکر حاصل ایده بيله جملکری
حقنده فکرمده برتردد حاصل اولدی . بونکله برابر بوترددی
کسمه یه حس ایتدیرمیه رك معلم افندیك امری وجهله ديز كينلری
طوتدیردم . وبعده ینه مقنن اولان اصولز اوزره عجمیلری
برر برر آله رق وعادتا بوروته رك تعلیمه باشلاندیم . صوكر
یاریسنی بر دفعه ده دیگر یاریسنی دخی اوبر دفعه ده آله رق
ینه عادتا ايله مجتمعا تکرار ایتدیردم . نهایت سرعتلی بورویشله
دخی مذکور تعلیملری اجرا ایتدیردم . تعلیم ائناسنده طوبلامق ،
ویارم آلیقومق وطور دیر مقده والحاصل کری بوروتمکده
بار کیرلرك يالكىز قنطارمه ايله سوق ایدلکلی زمانه نسبتاً
شمدی دیز کین تأثیرلرندن ده زیاده متأثر اولدقلری ،
باشلرینی ده جابق ده زیاده تپه لرندن بوکدکاری کوزومه
چارپدی . اوت اووقت خاطر مه کلدی : عجمیلکمه شوتعلیمی
یابدیغمز ائساده بزه دخی يالكىز قنطارمه ديز كينلرني
قوللانمق لغمزی وکمی حیوانك آغزنده راحت طوره بيله جك

ودیز کینلرینی خفیف کرکین بیهله دینلیمیه چک درجه ده
 طویلایمقلغمزی تنبیه ایتشلر ایدی بن دخی بوصورتله حرکت
 ایدیوردم . فقط قطارمه یی تاثیر ایتدیردیکم آنده کوربیور-
 دم ، که کم دیز کینلرنده — اولا کوشکجه طوتمش اولدینم
 حالد — خفیف برکر کینلک پیدا اولیوردی وطیبی
 قطارمه ناک اووقته قدر حاصل ایتدیککی تأثیردن فضلہ برتأثیرک
 — هم ایجه سرت — میدانه کلدیکنی حس وبویله جه علاوه
 اولمش اولان تأثیرک بارکیرده دها زیاده برانقیاد حصوله
 کتیردیککی مشاهده ایدیوردم . آرتق آنک اوزرینه عجمیلرک
 نظر دقتلرینی اوجته جاب ایتکه چالیش یوردم . آنلرده
 کمک چوق مؤثر اولدینقی وبرحرکت اجرا ایتدیرمک ایچون
 کمی خفیف تأثیر ایتدیرمک کفایت ایدنه چکنی بالذات اجرا
 ایتدکلری تأثیرانده مشاهده ایدیورلردی اولابده کندی
 کندیلرینه قناعت کتیریورلردی .

— بارکیری کم ایله سوق ایتک —

برقاج کون یالکز قطارمه دیز کینلرینی قوللانهرق اولجه
 میان اولسان قطارمه تعلیمی حرکاتنی یایدیردقدن سوکرا

معلم افندی کم دیز کینلرینی طوتان صول یومروغک حرکتلرینی
کوسترمکلیکی امر ایتدی ایدی .

عجمیلرک ذهنلرینی شاشیرتتامق ایچون قنطارمه دیز کینلرینی
ایکی طرفدن مساواتاً صارقق اوزره اوج طرفلرینی دوکوملیه -
رک بارکیرک بیونسک اوستنه براقیدردم .

کم دیز کینلرینی ینه قنطارمه دیز کینلرینی ایچ طرفنده
بولنق اوزره صول اله آلدیردم .

الاری ایلری ، کری آشاغی یوقاری بومک ، الاری
ایلری کری ایچری طیشاری دوندیرمک حرکتلری قنطارمه
تعلیمنده آرده پادیریلوردی . کم ایله تعلیمه کچمک ایچون
امر آلیغمز وقت معلم افندی اللرک مذکور ادمان حرکاتی
نفراتک شو آرهلق صیق صیق — استراحت زمانلرنده
قفوشلرده والحاصل وقت بولدیجه — یاملرینی تنیه ایتمکلیکی
امر ایتمش ایدی ؛ بنده امرینی ایفا ایتمش ایدم . عجمیلرده
مذکور حرکاتی یامقدن کری طور میورلردی . بیلکلی ایچه
یوشامش ایدی .

﴿ کم دیز کینلرینی طوتان صول یومروغک حرکتلری ﴾

یومروق حرکتلرینی هر عجمی به آیری آیری کوستره جک

ایدم . فقط اولاً هېسنه بردن شو صورتله تعریف ایتم :
 کم ایله یومروق حرکتلی قنطارمه ده اولدینی کبی باشلوجه
 اوچ صورتله اجرا اولنور (طوبلامق ، قویورمک ،
 دوندیرمک) و فقط کده صاغه دونمکده یومروغک چویرلمسی
 صوله دونمکده اجرا اولنان چویرلمسندن فرقلی اولدیغندن
 فضله بر حرکت حاصل اولیور . یعنی کده یومروق حرکتلی
 باشلیجه درتدر .

— طوبلامق و قویورمکده صول —

— یومروغک حرکتی —

کم دیزکینی طوتان یومروغک حرکتلرینک تعلیمه
 ایکی اولکی حرکتلرندن — طوبلامق و قویورمکدن —
 باشلایه جق ایدم . اشبو حرکتلی هر برنفره آیری آیری
 و اولاً طورورکن کوسترملی ایدم . بارکیره بنش ایدم .
 بر عجمنک اوکنه کیتدم طوردم . مذکور ایکی حرکتی اولاً
 بالذات یاهرق کوستردکدن صوکرا آنلره دخی برر برر
 یاپدیردم . (مانثر تعلیمنامه سی صحیفه ۱۵۲ یه مراجعت) .
 هر بر یومروق حرکتی یومروغک وضعیت اصلیه سندن

باشلادیغندن مقصد حاصل اولدقدن صوگرا یومروغی ینسه
وضعیت اصلیه سینه کوتورمه دقت ایتملرینی یومروغک
هر حرکتده قولک دیرسکدن آشاغی اولان قسمنک وجوده
خفیف بر صورتده تماسده بر اقلرینی دخی تنیه ایتدم .

اگر بر بارگیر معتدلانه بر صورتده طویلانان دیزکینه
اطاعت ایتمزه اووقت طویلماق وقویوبرمک حرکتلرینی
مقصد حاصل اولنجیه قدر بربری آردنجیه یاملرینی دخی
اخطار ایتدم .

صاغه دونمکده صول یومروغک حرکتی

اشببو حرکتی دخی هر برنفره آیری آیری آکلاتمق
لازم ایدی . ینسه برنفرک اوکته کیتدم طوردم . حرکتی
تعریف ایتدم (مانتر تعلیمنامه سی صحیفه ۱۵۲ و ۱۵۳ جه
مراجعت) . وبالذات یاپدم . تعریف ایتدیکم حرکتی
یایمق صره سی عجمی به کلش ایدی . یومروغی ترس چویر یو-
ردی قارشوسنه وضع اولتمقلمیدن وبو حالده بنم صاغ طرفم
آنک صول طرفنه وصولم آنک صاغ طرفنه قارشوتصادف
ایتمسندن مرقومی شاشیرتمش ایدی . آکلاتمغه سهولت اولمق

ایچون آنک یانی باشنه کیتدم توردم . بودفعه بنم یومروغمک
حرکتلرینی تقلید ایتمکده کوچک چکمیدی . دیگرلری
دخی آکلامازلوق ایتدیلر . هپسی بوحرکتی اوکرندیلر .

صوله دونمکده صول یومروغک حرکتی

بوحرکتی دخی صاغه دونمکده اولدینی کبی عجمیلرک
یانی باشلرنده طوره رق هر برینه آیری آیری تعریف ایتدم .
(مانثر تعلیمنامه سی صحیفه ۱۵۳ چه مراجعت) . شو ایکی
حرکتی یابدیردقدن صوکر اشونی دخی تنیه ایتک الزم
ایدی . هپسنه خطاباً : بوراده کمک تأثیرینک قنطارمه دن
چوق زیاده شدتلی اولدینی دها ابو آکلادیکز ! ایشته
شواوکرندیککز شیلری کوزلجه دقتلی اوله رق یابارسه کز
بارکیرلری ابو سوق ایده بیلیمک ایچون الزم اولان ساکن
وثابت یومروق صاحبی اولورسکز . فقط کمک چوق سرت
اولسی سببندن طویلامق وقویویرمک ودونمک والحاصل
یومروغک بروضعتندن دیگرینه کچمک حرکتلرینی الک
آزدن باشلایه رق تأثیرلری ، هاش . هاش . لازم اولان ، هاش .
قدر آرتیره رق اجرا

بونك ايجون كمك حيوانه اولان تاثيريني يومروغكزله
 جالذات حس ايدمه بيلمكز لازمدر . حس ايدمه بيلمك ايجون
 ايسه يومروغكزي تلاش ايله ايتي ويرمكدن ، صيقي
 قدامقدن ، قولك آلت قسمني (دبرسكدن آشاغي سني) وجوده
 صيقيجه ياپيشدير مقدن چكنايميسكز . بويله دقت ايتمزه كز
 باركي رلي ابو سوقي ايتكم ايجون ايكنجي درجه ده الزم
 (برنجي اوتوروشدر) اولان خفيف يومروغه صاحب اولمكز
 ممكن اوله مز . صول يومروغك اوكرنديككز درت حركتك
 غيري اولان يوومروق حركتليرنك كافه سي — مثلا ايكنجي
 وضعيتي آلدير مقده ، صاغه يناشمقده ، كرى يورومكده
 اجرا اولسان يومروق حركتلي — ينه مذكور درت ،
 حركت واسطه سيله ياپيله جق فقط جزئيجه بعض تبدلات دخي
 ياپيله جقدر .

- ❖ كمك اوتوروش وبالدير ياردملري ايله برلكده اصول
 - ❖ استعمالي اوكرتمك ايجون قنطارمه ديزكينلريني
 - ❖ باغلا نه رق يالسكر كم ديزكينلري ايله حاضرلق تعليمي
- كم ديزكينلريني طوتان صول يومروغك حركاتي

طور وركن عجميلرك كافه سنه اوكرتمش ايدم . معلم افندي
كلى بكا خطاباً :

هر نوع يوروش ائناسنده بار كيره وضعت لازم يي.
آلدير مق و آنى قولايقله ضبط و سوق ايتك آنجق اوتوروش
بالدير و ديز كين ياردملرينى متحداً استعمال ايتمكه ممكن اولور
(مانز تعليمنامه سى صحيفه ۱۵۵ و ۳۸ و ۳۹ و ۴۰ و ۴۱ و ۴۲ و
۴۳ و ۴۴ و ۴۵ و ۴۶ و ۴۷ و ۴۸ و ۴۹ زه مراجعت) .

ايمدى ديز كينلر دائماً اوتوروش و بالدير ياردملرى ايله
برلكدە تأثير اجرا ايدم . جك ايسده عجميلر ديز كينلرك
تأثيرلرينى اوتوروش و بالديرلرك تأثيرلردن آز اوله جق وجهله
اجرا ايتلرينه دقت ايتمكلكى و بونكه برابر سوارى ندر
ايوينجى اولور و بار كيرى دخی ندر ابو تربيه اولمش بولنورسه
اوتوروش و بالدير ياردملرينىك تأثيرلرينى اونستده جوق
و ديز كينلرك تأثيرينى ايسه آز اجرا ايتمى ممكن اوله بيله جكى
(مانز تعليمنامه سى صحيفه ۱۵۵ شه مراجعت) جهتله
عجميلردن بوبابده طلب ايدم . جكم شيلرده مبالغه دن اجتناب
اينامكلكى اخطار ايتدى . بعده معلم افندي عجميلره خطاباً
بوندن صوكر اوتوروش و بالدير ياردملرينى كم ايله برلكدە
قوللايه جقسكز . بوسرك ايچون يكي برشىء دكلدر . قنطارمه
ايله برلكدە يافنى اوكرنديككز اوتوروش و بالدير تأثيرلرينىك

عینیدر . یالکز بوراده کمک تأثیرینی اوتوروش وبالیدرلرک
تأثیرلرندن ممکن اولدینی قدر آز اجرا ایتملیسکیز دیدی .
صوکراینه بکا طوغری دونه رک : قنطارمه دیزکینلری ینه
باغلی اولدینی حالده یالکز تام مانژده هرایکی یان ایله حرکت
ایتدیرمک اوزره شوحرکاتی — بارکیری حاضرلق ، بارکیری
طوبلامق ، یورویشه باشلامق ، یورورکن یازم آلیقومق
وطوردیرمق ، والحاصل کری یوروتتمک وایکنجی وضعیتی
آلدیرمق — اولا عادتا ایله بعده سرعتلی ایله وسرعتلی بی
اوزانه رق وقیصالته رق یابدیرمقلمغی امر ایلدی .
بوتعلیم ائناسنده اصلاً عجمیلرک اوچنی دردینی بریره
برلشدیره رک مجتمعاً تعلیم یابدیرمزددم آلدیغم امر بویله ایدی .
فی الحقیقه بویله طورانماش اولیدق وقوعبولان کافه خطاری
کوروب تصحیح ایتمک ممکن اوله میسه جق ایدی . برایکی
کون بوتعلیملز ایله اوضراشدقدن صوکر عجمیلر اوتوروش
وبالیدرلر ایله متحداً کی تأثیر ایتدیرمکی ایجه اوکرنمشلردی .

❦ درت دیزکینی قوللانهرق قنطارمه ❦

❦ تعلیمنک تکراری ❦

معلم اقدی درت دیزکینی یعنی کم وقنطارمه دیزکینلرینی

ایکی الہ آلدیرہرق قنطارمہ تعلیمندہ یاپیلان حرکاتی نومرو
صرہ سیلہ (اشبور سالہده صحیفہ ۶۳ و ۶۴ و ۶۵ مراجعت) .
نکرارایتدیرردم . بوتعلیمی ینہ عجمیلری کاه بربرر آلہرق
منفرداً وکاه یاریسنی بردفعہده ودیکر یاریسنی دخی اوبردفعہده
آلہرق مجتمعاً یابدیریوردم .

بوانشاده باش وضعیتندہ دونشلردہ باشلوجه قنطارمہ
دیزکینلرینی تأثیر ایتدیرملرینی عجمیلرہ تنبیہ ایتدک .
ابتدالری یالکز کوشه لردن کچرکن بارکیرلرینہ اولصورتلہ
باش وضعیتی آلدیرملرینی عجمیلردن طلب ایدیہوردق .
(مائثر تعلیمنامہ سی صحیفہ ۱۵۰ یه مراجعت) . بوجہلہ
تعلیمہ دخی برہفتہ قدر دوام ایتمش ایتدک .

❦ درت دیزکینی یالکز صول الہ ❦

❦ طوتدیرہرق تعلیم ❦

بالادہ بیان اولنان اصول تدریجیہ یه رعایۂ یاپیلان
تعلیملر واسطہ سیلہ اوتوروش وبالذیر یاردملریلہ برلکدہ کمک
عمل وتأثیرلری حقندہ عجمیلردہ ایجہ مهارت حاصل اولمش ایدی .
معلم افندیئک امریلہ قنطارمہ دیزکینلرینی صول الہ ترک

ایستدیردک . و بوندن بویله بارکیرلری یالکز کم ایله سوق واداره
ایتمک خصوصنده عجمیلره ملکه و مهارت کسب ایستدیرمک
ایچون چالیشمغه باشلادق . ومع مافیه بارکیرلری ده زیاذه
اطاعت ایستدیرمک ایچون لزوم کورولدجه قنطارمه (خصوصیله
صاغ الک) یاردمنه مراجعت ایتمک ایجاب ایستدیکنی عجمیلره
آکلاتمق ایچون آره صره قنطارمه دیزکیلرینی ینه آلدیردق .
درت دیزکینی یالکز صول الده طوتدیره رق یاپیلان
شوتعلیم اولاینه نام مائزده طوبلامق قویویرمک ، یارم
آلیقومق ، طوردیرمق ، کری یوروتمک ، ایکنیجی وضعیتی
آلدیرمق حرکتلرندن باشلادق . اشبو حرکتلری اولاً
حادثا ایله بعده سرعتلی ایله وایکی یان ایله اجرا ایستدیریوردق .
عجمیلرک درت دیزکینی صول الده طوته رق مذکور حاضرلق
حرکاتی اجرا ایتمکده ایجه مهارت حاصل ایستکلری کورو-
لدیکی کبی بوندن اولجه درت دیزکینی ایکی اله آلدیره رق
تکرار ایستدیردیکمز قنطارمه حرکاتی (اشبو رساله ده صحیفه
۶۳ و ۶۴ و ۶۵ مراجعت) بودفعه درت دیزکینی یالکز صول
الد طوتدیره رق یاپدیرمغه باشلادق . یناشمق حرکتلرینه
کلدیکمز وقت عجمیلرک هر برینه آیری آیری آتیده نقل
ایستدیکم تأثیراتی سویلدم . و فقط ذهنلرینی شاشیرتماق ایچون
اولاً یالکز صاغه یناشمقی تعریف ایستدم . ویاپدیردم

بعده صوله یناشمغه کچدم . یناشمق حرکته بالديرلری
 قطارمه ده یناشمق حرکته اولدینی کی قوللانه جقسکز . صول
 یومروغی ایسه — درت دیزکین بوالده طوتلمش اولدینی
 حالده — صاغه یناشدیرمق ایجاب ابتدیکی وقت : کم ایله صاغه
 دونشی یا بق ایچون اجرا ایتمه اوکر ندیککز ایکی حرکتک
 یالکزر برنجیسنی یا به جقسکز . یعنی کم صاغ دیزکینی قیصاته حق
 وجهله یومروغیزی کیرویه طوغری چویره جقسکز ، صوله
 یناشدیرمق ایجاب ابتدیکی وقت : صوله دونشی یا بق ایچون اجرا
 ایلمه اوکر ندیککز ایکی حرکتک ینه برنجیسنی یا به جقسکز .
 یعنی کم صول دیزکینی قیصاته حق وجهله یومروغیزی
 چویره جقسکز . بوسورتله یناشلمسی ایجاب ایدن طرفه
 بارکیرکزک باشی چویره جقسکز کی طیش دیزکین دخی او آند
 بارکیرکزک بوینسه تماس ایده جکندن حاصل اولان تاثیرلر اوک
 قسمی یناشیله حق طرفه سوق ایتمه کافی اوله جقدر .
 بارکیر شـ و تاثیر ایله اوک قسمی یان طرفه نقل ایتمه
 ایچون طیش طرفه کی آیانغی یردن قالدیره جفتی یعنی دیزکینک
 تاثیر ینه اطاعت ایتدیکنی حس ایتدیککز کی اوله موجه حق
 یومروغی ینه وضعیت اصلیه سنه نقل ایده جقسکز .
 الحاصل یناشمغه دوام ایچون بوتائیرلری متصل —
 تلاش ایتمه رک و یومروغیزی یواش یواش حرکت

ایتدیرەرك — تکرار ایلیه جکسکیز . بوحرکتی عجمیلرک یاریسنی
بردفهده دیکر یاریسنی او بر دفهده آلهرق مجتعماً دخی
تکرار یابدیردم .

— یوک مانژده تعلیم —

بر بازار کونی ایدی تعلیمه چیقمش ایدک . معلم اقدی .
کلدی بکا خطاباً : شمدی به قدر عجمیلر یاردملری استعمالده
مهارت لازمه به مالک دکل ایدیلر — خصوصیه ابدالده —
آنک ایچون بارکیرلر فنا بره عامله به هدف اولمقله برابر طار
بر محله متصل دوندیریلرک سوق ایدلش بولندقلرندن
راحتسز اوایورلردی ، اذیت چکیورلردی ، سربست قوشمق
نفس آلمق ایچون میدان بوله میورلردی . عجمیلر دخی
صیقیلیورلردی . بونکله برابر ابدالده عجمیلرک طبیی صیق
صیق وقوع بوله جق کافه خطالرینی کورمک وهان تصحیح
ایتمک ایجاب ایتمکله وبوایسه مرقوملری کوزدن اوزاق
بولندیرما مق ایله ممکن اوله بیلیمکه بو آنه قدر ممکن اولدینی
مرتبه کوچک برمانژده تعلیم ایتدیرمه که مجبور اولمش ایدک .
شمدی ایسه او مخذور برطرف اولمش بولندینی کی بلوک

تعلیمی دوری دخی یا قلاشد یغندن ارتق بار کیرلری توسط و غری
 سوق ایتکی طلب ایتکلکمز لازم کملکه و بوتعلیم ایسه
 عجمیلرک زیاده مدت خط مستقیم اوزرنده حرکت ایتلرینی
 ایجاب ایتدیرمکه و یقینده اوزون درت نعل تعلیمنه دخی
 بدأ ایتکلکمز مقرر بولمغله (مانر تعلیمنامه سی صحیفه ۱۶۳
 ۱۶۴۰ ده مراجعت) وایلك بهار موسمنه داخل اولدیغمز
 جهتله هوا آچیقده تعلیمه مساعدده ایده جکی درکار اولمغله
 تعلیمکاهده بیوک برمانر ترتیب ایدوب اوراده بوندن صوکر
 کاه عجمیلرک هپسنی — تعلیمه باشلایه لی عجمیلرک هپسنی
 آلوب مجتمعاً تعلیم ایتدیرمک ایلک دفعه و قوعوبولور —
 وکاه یاریسنی آلهرق مجتمعاً ویا لکنز اقتضا ایتدکجه بربر
 آلهرق منفرداً تعلیم ایتدیرمک دیدی . وهان بوکون
 اول صورتله تعلیمه باشلامقلمی امر ایلدی .

د جمعه کونی تعلیم اجرا اولمادیغندن بو برکون استراحتدن
 طولانی عجمیلر جمعه ایرتسی کونکی تعلیمده سائر کونلرده کنه
 نظراً اگرده راحت اوتوره مدققرندن معلم افندی اکثر یا جمعه
 ایرتسی کونی یکی بر حرکت یاپدیرمیوب تعلیمه چیقلدینی کبی
 همان اسکی حرکتلری تکرار ایتدیرر و بار کیرلرک آغزینی
 وقایه ایتک ایچون دخی تعلیمک ایلک یکرمی دقیقه لق برزماننده
 اولسون یا لکنز قنطارمه دیز کینلریله بار کیرلری سوق

ایستدیرردی . ایشته ینه معتادی وجهله بوتعلیمی دخی جمعه
ایرتسی کونی باشلاقیوب بازار کوننه براقش ایدی .
تعلیمگاهده بزم مانثر ایچون کافی بریر تخصیص اولمش
ایدی . معلم افندیکنک امری موجبنبجه عجمیلری محل مذکورده
آرالقسز برصره اوزره ترتیب ایستدکن صوکرآ بیوکمانثره
(مانثر تعلیمنامه سی صحیفه ۱۷۸ زه مراجعت) سوق ایتم .

— یورویشلرک وزن وقرارلرینک —

— ومسافهلرک محافظه سی —

بوندن بویله یورویشلرک وزن وقرارلرینی (مانثر تعلیمنامه سی
صحیفه ۵۸ و ۵۹ زه مراجعت) محافظه ایتمک آلیشدیرمق
ایچون تعلیم ایستدیرمه نک صره سی کلش ایدی .
عجمیلرک ذهنلرینی شاشرتماق ایچون وزن وقرارک
نظریاتسندن بحث ایتمدم . یالکز آنلری برربرر آلهرق
عادتا ، سرعتلی — دها صوکرالری درت نعل ایله دخی —
یوروتدم . هربر یورویشده مطلوب اولان درجه سرعتی
(مانثر تعلیمنامه سننده معین اولان سرعتی) بولدیردم آنی
بلتدم . داتما اوسرعتله بارکیرلرینی یوروتملرینی تنیه ایتمدم .

صوکر اولاً ۶ شر خطوه مسافه لر ایله وعادتا بعده سرعتی
ایله شمعی به قدر یایدیرلمش اولان حرکاتی تکرار ایتدیره رک
تعلیمه دوام ایتدم . بعده درت نعل ایله دخی حرکت
ایتدیره رک تعلیم ایتدیردم . او ائنده وزن و قرارلری محافظه
ایتمک خصوصه سنده وقوعبولان قصورلرینی اخطار ایدردم .
والحاصل قراری محافظه ایتمک ایچون ملکه کسب ایتدیرمه
چالیشیردم .

صره بعدی ایله تعلیمه کچیلدکن صوکر اشبو مسافه لر
ایله یورورکن دخی یورویشک قرارینی محافظه ایتلرینه دقت
ایدردم . بویورویشلرک وزن و قرارلرینی محافظه ایتمک
خصوصه سنده ملکه حاصل اولدقجه مسافه لرک محافظه سی تأمین
اولغنه باشلا یوردی .

— ایکنجی اصولده تعلیمه باشلامق و صره —

— بعدینه یناشمش ایکن دونمک و یان —

— دکشدیرمک تعلیملری —

شو آردلق عجمیلر یاردملرینی طوغری و صحیح اوله رق
اجرا ده ملکه ومهارت کسب ایتمش بولسدقلرندن تعلیمده

تبدلات اولق و عجمیلره دونشلرده دها زیاده ملکه و مهارت
 قزاندیرمق و صره ایچنده حرکت ایتکه بر حاضریق اولق
 (مانثر تعلیمنامه سی صحیفه ۱۵۹ سطر ۹۰۰۰ مراجعت)
 اوزره بیوک مانثرده آره صره صره بعدی ایله تعلیم ایتدیریور-
 ردق . صره بعدی ایله اجرا ایتدیردیکمز تعلیمده اشبو
 رساله نك آلتش آلتنجی صحیفه سنده (۲۵) نومرو ایله
 اشعار اولنان حرکاتی صیق صیق یایدیریوردق . صره بعدی
 ایله تعلیم یایدیرمق ایچون عجمیلری کاه مانثر تعلیمنامه سی
 صحیفه ۱۱۰ و ۱۱۱ ده بیان اولندینی کبی صره بعدینه
 یناشدیرردق . کاه ینه مذکور تعلیمنامه ده صحیفه ۱۸۰ ده
 بیان اولندینی کبی ایکنجی اصولده تعلیمه باشلادیر ایدک .
 صره بعدینه یناشمش ایکن عرضاً دونمک ویان دکشدیرمک
 حرکتلریخی دخی مانثر تعلیمنامه سنک ۱۸۱ نجی صحیفه سنده
 بیان اولندینی اوزره اجرا ایتدیریوردق .

ایکنجی اصولده ترتیب اولق

بوحرکتی دخی شو آره لق مانثر تعلیمنامه سنک ۱۸۱ نجی
 صحیفه سنده بیان اولندینی اوزره یایدیریوردق .

❦ عادتاً و سرعتی ایله قیصه کیرویه دونش ❦

اشبو حرکتی مائز تعلیمنامه سی صحیفه ۱۶۰ و ۱۶۱ ده بیان اولندی بی اوزره اولاً عادتاً ایله بعده سرعتی ایله اجرا ایتدیرمکه باشلادق . بودونشی عجمیلرک بارکیرلرینی طور دیرمنی متعاقب فاصله ویرمکسزین اجرا ایتلمرینه و بارکیرک آردق سمنی لزومی قدر یرنده ضبط ایللمرینه دقت ایدیوردق .

❦ بارکیرلری طو س طوغری سوق ایتمک ❦

شو آره لق عجمیلرک اکر اوزرنده اوزنکیلر ایله اوتوروشلرینک متاتی اعلا درجه بی بولدینی و کم ایله بارکیرلرینی سوق ایللمکده مهارت کسب ایللمش اولدقلری کورولمکه آرتق نظر دقتمز ی بارکیرلرینی طو س طوغری سوق و مطلوب وجهله ضبط و اداره ایللمرینه و کوشه لر دن کچرکن زره قدر طیشاری چیقارما ملرینه حصر ایتمکه باشلادق .
• قطارمه تعلیمنده عجمیلرک اوتوروشلرنده ایجه متانت حاصل اولوب یاردملری دخی استعمالده مهارت کافیه حاصل ایلدکلری کورولدکده ممکن مرتبه بارکیرلرینی بارکیر یوللری

اوزرنده طوغری سوق ایتملی خصوصنده دها اووقت
 نظر دقتلرینی جلب ایتمه باشلامش ایدک . ،
 بارکی یالکز باشنی و بویوتنی طوغری طوتمیوب صاغه
 ویا صوله چویرسه ویاخود اوک آیاقلرینی دخی بارکی
 یولندن صاغه (صوله) طوغری چیقارسه تکرار طوغرولتمق
 ایچون صوله (صاغه) یناشمقده پایسلان کم تأثیرلرینی یعنی
 صوله (صاغه) دونشک برنجی حرکتده اجرا اولنان دیزکین
 حرکتی استعمال ایلملرینی (اشبو رساله نك ۸۹ و ۹۰ نجی
 صحیفه لرینه مراجعت) وبارکی اوآنده صغریسینی مخالف
 طرفه آتامق ایچون بو طرفده کی بالدير ایله ضبط ایتملرینی ،
 وبارکی یالکز صغریسینی یان طرفه آتارسه دیزکینلر ایله
 اوک قسمی ضبط ایدوب صغریسینی صاغه آتدیغنه کوره
 اوک قسم اوزرنده صاغه دونشده و صوله آتدیغنه نظراً
 اوک قسم اوزرنده صوله دونشده اولدینی کبی بالديرلرینی
 استعمال ایتملرینی فقط وقوعبولان اکریلکی بدنبه طوغری-
 ولتمغه قالدشمیوب هر خط-وه ده برآزینی یدیرمه دقت
 ایتملرینی تنبیه ایتدم . عجمیلر طرفدن شوتأثیراتک آکلاشیلوب
 آکلاشیلمدیغنی تحقیق ایچون آنلری برر برر آلهرق نام
 مانزده عادتا ایله یوروتدم . وبواننده مذکور تأثیرلرک

لیاتی یابدیردم . بو عملیاتی یابدیردیغم وقتده و صوکرلری
نخی آرده بارکیرلری طوغری یوروتوب یوروتدکیرینی
قیق ایچون مائردن چیقار وهمان برکوشه نك یاننده و بیوک
کیر یولنك قارشوسنده طورردم . بورادن ضالمع کیر
زرنده بکا طوغری متوجه بولنان عجمیلرک کلشنه بقاردم .

❦ اول طورورکن بعده بر بارکیر بوی آراقلر ❦

❦ ایله یوری یه رک خدایی تعلیم ایتک ❦

عجمیلره خدایی ایوجه آکلاتقی و بارکیرلری صره ایچنده
رق ایتکه و آراق و مسافه لری تخمین ایلکه آلیشدیرمق
بون (مائرتعلیمنامه سنک ۲۰۸ و ۲۰۹ و ۲۱۰ نجی صحیفه لرینه
ماجمت) ابتدا طورورکن خدایی اوکرتدک . صوکر
بارکیر بوی آراقله یورورکن واولا عادتاً ایله بعده سرعتلی
رت نعل کیدرکن تعلیم ایتدیر یوردق .

❦ درت نعل یوروتمک و درت نعل کیدرکن ❦

❦ اوزون درت نعله کچیرمک ❦

معلم افندی بکا شو حوصاتی اخطار ایتدی :

«سواریلر سریع یورویشلره نقدر آلیشکین ایسه لر هجومک
مقدمه سی اولان حرکانده و هجوم ائناساندن محافظه سی الزم
اولان خدا — سواریده تأمین مظفریت ایچون وجودی
الزم برنجی شرطدر — اوقدر مکمل تأمین ایدیله بیلور .
آنک ایچون عجمیلری اوزون درت نعلده خفیف دیزکین
استنادی ایله بینمکه و بارکیرلرک اوستندن مسرتج بر صورتده
اوتورمغه آلیشدیرمق الحاصل یورویش تعلیمنه چوق اهمیت
ویرمک الزمدر . ولکن کرک عجمیلری یوروب ذوقلرینی
قاجیرماق و کرکسه بارکیرلره صولوق آلدیره بیلمک ایچون
بو یورویشک مدتی بردنبره چوق سوردیر ماملیدر . عجمیلری
مذکور یورویشله زیاده مدت بینمکه یواش یواش آلیشدیرمغه
دقت ایتلیدر . بو اوزون درت نعل ایلریده تعلیم ائناساندن
قولالانیله جق مانوره درت نعلیدر . »

معلم افتدینک امری اوزرینه اوزون درت نعله باشلاته .
جق ایدم ، عجمیلره اورته درت نعلدن اوزون درت نعله
کچمک ایچون وجودلرینک اوست قسمی طوغری طوتملرینی
وبالدیر تاثیرلرینی دها زیاده اجرا ایلملرینی و حیوانک آلیشنه
کوره اوتایرلری صیقه صیقه اجرا ایتملرینی و بارکیرلرک
بو یورویشده بویلری اوزانه چغندن بارکیرلرینی دیزکینک خفیف
تائیری آلتندن براقه جق صورتده براز زیاده دیزکین سربستی

ویرملریخ تئیه ایتدم . بعده بربرر آلهرق بیوک مائرك
بارکیر یوللری اوزرنده اورتہ درت نعل ایله یوروتدم . صوکر
اوزون درت نعله کچیردم . اوزون درت نعلده بارکیرلرک
عجله ایتیموب اوزون وسکونتلی صچرایشلرله کیتملرینه (دقیقه ده
۴۰ متره یعنی ۵۰۰ خطو ملق مسافه قطع ایتک اوزره
حرکت ایلملرینه) دقت ایدردم (مائز تعلیمنامه سی
صحیفه ۱۶۲ و ۱۶۳ و ۱۶۴ و ۱۶۵ شه مراجعت) .

❧ قیصه درت نعل تعلیمی ❧

معلم افندی بو یوروش حقنده شونی اخطار ایتدی :
« نخیلکک طبقه علیاسنه منسوب اولان و بارکیرلری
یومشامق و آنلره ژیمناستیک یاپدیرمق ایچون قوللانیلان
ویالکز منفرداً تعلیمده اجرا اولسان موزون وغایت طویل
برقیصه درت نعل واردر ! اودرت نعل الک ابو سواریلره
یاپدیریله بیلور ! بزم شمدی یاپدیرمه جغمز قیصه درت نعل
ایسه اودرت نعل اولیوب اورتہ درت نعلدن قیصالتمق حرکتی
ایله حاصل اولان (مائز تعلیمنامه سی صحیفه ۱۶۵ سطر ۶ و صحیفه
۱۶۶ سطر ۴ و ۵ و ۱۰ و ۱۱ ره مراجعت) و اوقدر طویل

اولیان برقیصه درت نعلدر . بوقیصه درت نعلی اورته درت نعلدن یارم آلیقومق وبتون آلیقومق یعنی طورمق حرکتلرینی تعلیم ایچون ودرت نعل ایله چرخ اجرا ایتمکی حاضرلامق ایچون والحاصل عجمیلری بارکیرلرینی دها زیاده ضبط ایتمکه آلیشدیرمق ایچون یاپدیرمق جغز .»

بوقیصه درت نعل اگر اوزرنده ایواوتوروب یوسروقلری دائما مؤثر نقطه لرنده طوتمق ایله استحصال اولنه بیله جکندن عجمیلرک او بولده طورانملرینه دقت ایتمکله کمی دخی معلم افندی تنیه ایتدی . آلمش اولدیغم امر . ووجبنجه عجمیلری اولا برربرر آله رق آنلره بارکیرلرینی اورته درت نعلدن قیصه درت نعله ناصیل کچیره جککیرینی تعریف (مانثر تعلیمنامه سی صحیفه ۱۶۶ به مراجعت) ایتدکدن صوکر اورت درت نعله بعده قیصه درت نعله کچیر ایدم . اولوجهله تعلیمه دوام ایدرک عجمیلرک یاردملری استعمال ایتمکده وقوعبولان خطالرینی تصحیح ایدردم .

— طورورکن یکدن قیصه درت نعله کچمک —

بونک ایچون عجمیلره : بارکیرکری اولاسرعتلی به کچیرکری .
برایکی خطوه بو یوروشله کیتدکدن صوکر ایلدی یککری

یاردملری قوللانمرق درت نعلله قالدیررسکزر . بارکیرکزر
درت نعلله کچدیکی کبی طویلارسکزر قیصه درت نعلی بولدیررسکزر
(مائثر تعلیمنامه سی صحیفه ۱۶۷ و ۱۶۶ سطر ۹ و ۱۰ و ۱۱)
مراجعت) .

❦ قیصه درت نعلدن یکدن طورمق ❦

عجمیلره درت نعلدن یکدن طورمق یالکزر قیصه درت
نعلدن یابدیروردق (مائثر تعلیمنامه سی صحیفه ۱۶۷ به
مراجعت) .

درت نعلدن طوردیرمق ایچون اولای اوتوروب
وجودلرینک اوست قسمی جزئی کیرویه میللندوروب
و دیزکینلری قوتلیجه تأثیر ایتدوروب بارکیرلرینی قیصه درت
نعلدن سرعتلی به کچیرملرینی و سرعتلی ایله برایکی خطوه
یوروملرینی مساعده ایتدکدن صوکر طوردیرملرینی
وطوردقین صوکر دیزکینلری قویوروب بارکیری کری
کیتمکدن و صفریسی صاغه (صوله) آتمکدن بالدیرلرله منع
ایتملرینی و بده بالدیرلرینی طبعی صارقیق براقلرینی تنبیه
ایتدک آندن صوکر هپسه بربرر یابدیردق .

دیزکینلره طیانوب وضعیتلرینی بوزان وخفیف دیزکین
 چکلمسینه اطاعت ایتمیان بارکیرلرده لازمکلان موازنه‌لی وطوبلو
 وضعیتی بولدرنجیه قدر صیق صیق آلیقومق حرکتی استعمال
 ایتملرینی وبویله بارکیرلره درت نعلدن طور دقلری کی مجازات
 اولق ایچون برقاج خطوه کری یوروتملرینی دخی عجمیلره
 اخطار ایتدک (مانثر تعلیمنامه‌سی صحیفه ۱۶۷ و ۱۶۸ زه
 مراجعت) .

❦ قیصه درت نعل ایله تام ویارم مانژده ❦

❦ یان دکشدیرمک ❦

اشبو حرکتلری دخی قیصه درت نعل ایله ومانثر
 تعلیمنامه‌سینک ۱۶۸ و ۱۶۹ نجی صحیفه‌لرنده بیان اولنان اصوللر
 اوزره یابدیر یوردق .

❦ قیصه درت نعل ایله چرخ ❦

اشبو چرخ حرکتی دخی یالاکز قیصه درت نعل ایله
 اجرا ایتدیر یوردق . وبوکا بر حاضرلق اولق اوزره اوللا
 عجمیلری منفرداً دائره اوزرنده یوروتیور ایدک وبعده

تدریجاً بوداثره‌ی چرخ دائره‌سی درجه‌سی بولديرنجيه قدر
کوچولتيوردق (مانترتعليمنامه‌سی صفحه ۱۶۹ زه مراجعت).

❧ قيصه درت نعل ايله کړی چرخ ❧

اشبو حرکتی دخی يالکز درت نعلک قيصه‌سیله ومانتر
تعليمنامه سنک ۱۷۰ و ۱۸۱ نجی صفحه لرنده بیان اولتان اصولار
ايله ياديریوردق .

❧ قيصه درت نعل ايله قيصه کيرويهدونش ❧

اشبو حرکتی دخی قيصه درت نعل ايله ياديریور و آرد
قوللر اوزرنده ممکن اولدینی قدر سرعتلی اجرا ایتدیر. که
چالیشیوردق . یعنی ممکن اولدقچه اوك قوللری آرد
قوللرک اطرافنده برصچرایشده دونمسنه چالیشیوردق . اما
بو حرکتی اوتوروشلرنده و دیزکین بالدير ياردملرینی متحداً
حسن استعمالده مهارت کامله لری اولمیان عجمیلره ياديرما-
مقلغمزی معلم افندی تنبيه ایتمش ایدی .

مهارت کامله لری اولمیانلر هر حالده بو حرکتی خطالی

په جقـلرندن بار کیرلری خویشز ایدر لر . آنک ایچـون
سبارزه تعلیمنده قوللانیله بیله جک اولان بو حرکتک اجرا سنده
افراطدن اجتناب ایتملیدر .

اکثر حیوانلر دخی بو حرکت ایچـون لازم اولان
چو یکلکه مالک اولدقلرندن و بار کیرلره یاپدیر یله جق حرکاتده
یسه تناسب و قابلیت بدنیه یی نظر اعتباره آلمق قاعده دن
بولندیغندن معلم هانکی عجمیلره هانکی بار کیرلر ایله ونه درجه ده
وقیصه دونش حرکتی یاپدیر مق لازم کلدیکی حقنـده بکا
نعلیمات ویرمش ایدی .

اشبو حرکتده طیش یاردملرک تاثیرلرینـک دها زیاده
اؤثر اولسی ایجاب ایتدیکندن عجمیلره مذکور یاردملر ایله
بار کیرلری طور دیرملرینی و بواشاده بار کیرک آرد آیاقلرینی
ایلرویه سورملرینی و عین زمانده اولک آیاقلرینی آرد آیاقلری
اطرافنده طولاشدیرملرینی اخطار ایدر ایدک .

بو حرکتی یاپدیردیغمز عجمیلره طور دیر مق ایله دونش
آرد سـنده زیاده فاصله ویرما مکه دقت ایتملرینی دخی —
چونکه اوله طور انمازلر ایسه بار کیرلرک طول و وضعیتی غائب
ایتدیرم جکلرندن حرکتی لازم اولدینی وجهـله یاپدیرمغه
مقتدر اوله میه جقلری شبهه سزدر — تنبیه ایتمش ایدک . مذکور
حرکتک تعلیمنده اکثر یا آرد آیاقلر اطرافنده اولک آیاقلرک

برقاج سرعتی خطوه سی الله ویاخود برقاج درت نعل
صیجرایشه اجرا اولنان بردوش الله اکتفا ایدیوردق
(مائز تعلیمنامه سی صحیفه ۱۷۱ و ۱۷۲ به مراجعت) .

برره بوزولق (چوزولمک) حرکتی

مائز تعلیمنامه سی صحیفه ۱۷۳ مراجعت) .
برره بوزمق حرکتی شمدی به قدر هر کون تعلیمه
باشلامق ایچون اجرا ایتدیر یوردق . فقط بوندن سوکرا
عجیلری برر بر کوزدن کچیروب یاردملری استعمالده ،
بارکیرلرینی برایز اوزرنده سوق اتمکده ، یورویشلرک وزن
وقرارلرینی محافظه ایلمکده ، وبارکیر اوستندم اوطور مقده .
ودها سوکرا سلاح تعلیمنده اوروش و دورتشلری اجرا ده
درجه مهارت لرینی تحقیق اتمک ایچون برره بوزولق حرکت لرینی
خصوصی بر حرکت کبی و مادتا و سرعتی و درت نعل یورویشلر به
یایدیریور ایدک .

برره بوزیلور ایکن قاعده ۲ بارکیر بونی مسافه اله حق
ایسه ده مسافه یی الوب قوماندا اولنان یورویشه یکیمکه
و بارکیرلرینه یورویشک وزن و قرارینی بولد برمه میدان بوله

بيلسونلر ايچون ايلك اوڭجه لرى اجرا اولنه حق يورويشك
سرعتنه كوره — مثلا : سرعتلى ايله بوزولمقده اوج باركير
بويى ، درت نعلده دخی دوت وبش باركير بويى — دها
زياده مسافه لى ايله واپلروده يالكز عادتا وسرعتلى يورويشلر-
ده — مستتا اوله رق — برر خطوه مسافه لى ايله يورويشور
ايدك . او حلاله عجميله اره لرنده ترك ايدم جكلرى مسافه لرى
اخبار ايليوردي . تعيين اولنان بر نقطه استقامته طوغرى
كيتملىرى واکر استقامت ویرلماش ايسه باشدمكى نكرك
طوسطوغرى كيتمى وديكرلرينك انك ايزى تعقيب
ايتملىرى وهربرى مافوقه ايكي باركير بويى ياقلاشدىنى (مافوق
يعنى قسمى معاييه ايدمك امر عجميله مسافه آلدىلرى
نقطه دن برقاج باركير بويى دها اوزاقده — سرعتلى ايله
بوزولمق حركته نسبتله درت نعلده دها زياده اوزاقده —
طوروب معاييه يى اجرا ايديوردي) كې باشى چويرمك
ووضعيت عسكرىه سى محافظه ايدرك خذاسنى كنجيه قدر
مومى اليه باقورق اوكندن كچملىرى طلب ايديوردي . هجوم
يورويشله كچركن و دوزمك اورمق حركاتى ياپار ايكن اوكلرينه
طوغرى باقلىرى نتيجه ايتمش ايدك . سرعتلى ايله درت
نعل حركتلرندم يورويشلك قرارلرى بوزماملىرى و درت
نعلده ديكر يورويشلر ايله بوزولمقده اولدىنى كې صرمنك

ایکی بارکیز بویی جناحی ایلر و سنده — اوراده بن طور بور
ایدم . و یوزمی صاغدن بوزیلورکن صوله و صولدن بوزیلورکن
صاغه چورمش بولنیوردم — مسافه آلوب بارکیز لرینی ممکن
اولدینی قدر سکونتله و صاغدن (صولدن) بوزولدق لرینه
کوره صاغ (صول) یانیله درت نعله قالدی رملرینی اخطار
ایدیوردق . بارکیزینی یا ککش درت نعله قالدی رمش اولان
سواریلره مافوقک خداسنه وارمازدن اول تصحیح ایتک
چاره سینه باقلمرینی فقط بوتصحیح ایله اوغراشورکن
آرقه دن کلنلرک حرکتیه مانع اوله جقلمرینی حس ایدرلر ایسه
اووقت تصحیحیدن واز کچوب یا ککش درت نعل ایله کچمکی
ترجیح ایتلمرینی تنبیه ایدیوردق . سرعتلی ایله بوزولدق دن
صکره تکرار صریه داخل اولورکن هر برنفرک ایلک
اوکجه طوران جناح تقرینه ۱ بارکیز بویی یا قلاشدقده عادتایه
ایتمسینه و درت نعلده ایسه عین محلهده سرعتلی به ایندکدن
صوکره سرعتلی ده اولدینی کبی — یعنی سرعتلی دن دخی
عادتایه ایندکدن صوکره صف حربیه کیشمسینه (مطبعه عسکریه ده
۳۰۷ سنه سنده طبع اولسان و الآن مرعی الاجرا اولان
اتلو بلوک تعلیمک ۷۵ نجی صحیفه سنک ۱۸ نجی سطرینه
مراجعت) — صریه داخل اولمسینه دقت ایدیوردق .
عادتایه برره بوزولانی اول آخر عجمیلرک همسینه بردن

سرعتی ایله ودرت نعلده بوزولنی ایسه عجمیلره اولا بربر
 صوکر اهیسنه بدن یعنی مجتمعا پادیر یوردق . برنفر اوکنده
 بولسان نفرک بارکیرلرینی ضبط ایده مدیکندن طولایی عجله
 ایله ایلری کیتدیکنی کورورسه مسافه یی محافظه ایتک ایچون
 تلاش ایله بارکیرینی سورمه کالقیشمیوب یورویشک وزن
 وقرارینی دکشدر مامکه دقت ایتسی لازم کلدیکنی وزن
 قرار ی محافظه ایدرسه مسافه لک محافظه سی کندی کندینه
 تأمین ایدلمش اوله جفنی اخطار ایدردک .

— هجوم یورویشی —

هجوم یورویشی تعلیمنه باشلایه جق ایدک : معلم افندی
 کلدی همزه خطاباً آئیده کی سوزلری سویلدی :
 « چوجقلر دیگلیکیز : هجوم یورویشیله کیتک آلا
 بیلدیکنه بارکیرلری قوشدیر مق دیمک دکلر . بواکی
 یورویشک آره سنده چوق فرق واردر . آلا بیلدیکنه
 قوشمق قوشولرده قوللانیلیر . اوراده بارکیرلرک آردقوللری
 بسبتون سربست براغیلور ، بارکیره بویون وباشنی آشاغی به
 ایندیر مسنه مساعده اولنور ، بارکیر زیاده طوقوناقلی یعنی

آغز بر صورتده اللره استناد ایله اوزانوب آلا بیلدیکنه
 قوشار کیدر ، بنیجی ایسه هیچ بروجله آنک یوروشنه
 خلل کتیر مامکه دقت ایدر ، یاریشک ختام بوله جفی اشارته
 یاقلاشلدینی وقت بارکیزه غایه سرعتی آلدیرمق ایچون کافه
 وساطتی موقع اجرایه وضع ایدر . والحاصل هر نه صورتله
 اولور ایسه اولسون اشارتدن کچیلدیعی آرتق بارکیدن بشقه
 برخدمت بکنیلمز . هجوم یوروشنده ایسه صاغ المزده قلیج
 ویا مزراق بولنه جفندن بارکیری یالکز صول ال ایله قوللانه .
 جفمز وخذایی محافظه — صره ایچنده بولندیغمز وقت —
 ایتمکله برابر بر آنده قیضه آلیقومغه دوندیرمکه مجبور
 اوله جفز ، بونلرک یایله بیللمسی ایسه آنجق بارکیری بسبتون
 قویور مامکله و آرد قوللرینی دائما ممکن مرتبه قارنی آلتنه
 وایلرییه طوغری سورولمش طوته رق خفیف دیزکین
 استنادنده بولندیرمق ایله ممکن اولور .

معلم اقدینک امری اوزرینه هجوم تعلیمنه باشلایه جق
 ایدک . بونک ایچون اولاتام ماتزده بارکیر یوللری اوزرنده
 ویاخود یارم ماتزده رسم اولتان دائرده دوت نعل ایله سوق
 ایدر وسریع یوروشلرده بارکیرلری یاردملره اطاعته اولان
 مجبوریتلرینی خاطر لایمق ایچون اوزته دوت نعلدن اوزون
 دوت نعله و بوندن ینه دوت نعله وسرعتلییه وعادتایه کچیر

و طور دیرر و کړی به یوړو تور سوکرا هلدتا ايله تکرار ایلری
 یوړو تور وراحت ایتدیرردک وبعده هجوم تعلیمنه حاضرلق
 اولق اوزره بیوک مائزده حرکت ایدرکن « قول باشی !
 طوغری کیت ! » اخباریله ضلع کیرلردن بریخی اوزاتدیره رق
 عجمیلری بیوک مسافهلر ايله یکدیگری تعقیب ایتدیره رک
 حرکت ایتدیرردک . قولباشی به اوزاقده استقامت اوله رق
 کوستریلان بر نقطه به (نقطه ارانه ایدلماش ایسه کندوسنک
 تعیین ایده جکی بر نقطه به) طوغری کیتمک ایچون برطاقم
 متوسط نقطهلر آلمسی تنبیه اولنیوردی . میدانک بیوکلیکی
 کافی اولمدینی وقت مناسب محللرده دوندیرر و بونقطه لری
 بللی ایتمک ایچون اشارتله وضع ایدر ایدک . عجمیلره
 آره لرنده ترک ایده جکلری مسافهلرک بیوکلیکی (۵۰ خطوه
 قدر) اخبار اولنیوردی . بومسافهلری آلدیره رق واولا
 سرعتلی ايله یوروته رک اوزاتمق و قیصالتق حرکتلری بایدر-
 یوردق بعده اسکی مائزه عودت والحاصل بتکرار اوزون
 خطلر اوزرینه سوق ایل یوردق .

بو تعلیملردن سوکرا هجومی اجرا ایتدیر یوردق (مائز
 تعلیمنامه سی صحیفه ۱۸۲ ۰۰۰ مراجعت) .

نفرا ته هجوم یوروشنه قالدقلری وقت ینه اوکرن دکلری
 کی طوغرو اوتوره جقلری نی و اوپوروشه باشلا مزدن اول

دیزلرینی صیغیه اکره بایشدیرملرینی وقیناقلرینی ایلمری
 سوروب ایوجہ اکرک جقور یرینه یرلشدیرملرینی ویوسرو-
 قلرینی ثابت طوتهرق بارکیرک حرکتنه تبعیت ایتلمرینی اخطار
 ابتدک . بارکیرلری هجوم یورویشنه قالمملرینی تشویق ایتک
 ودها زیاده سکونتله کیتلمرینی تأمین ایلمک ایچون ابتداری
 ایکیشر اوچر یان یانه قوشدیرردق . درت نعله کچرکن صاغ
 یاخود صولیانیه قالدیرمغه مخصوص یاردملری قوللائیموب
 سرعتلی یورویشی آرتیرهرق بارکیرلره درت نعلی بولدیرملرینی
 ۲۰۰ خطوه قدر بوبورویشله کیتدکدن صوکر ایلری
 اکیلمیه رک وبارکیرک طبیعتنه کوره بالدرلری خفیف طوقو-
 ندیرهرق ویاخود جزئیجه مهوزک تاثیرینی دخی علاوه
 ایدرک بارکیرلری ده ساریع یورومکه مجبور ایتلمرینی و فقط
 هیچ بروقت آلا بیلدیکنه بارکیرلری قوشدیرماملرینی تنیه
 ابتدک ، اکر بویه یاایوب متصل بالدر ویاخود مهوزلری
 قولانلرک کیروسنه باصدیررلرایسه حیوان طوبالانوبوبویونی
 دخی قیصالتوب تعقیب اولسان استقامتدن جیفه جفنی یعنی
 یانه طوغری قاچه جفنی دخی اخطار ایلدک .

ایکیشر و اوچرله هجوم تعلیمنده لزومی قدر سکونت
 ومهارت حاصل اولدینی کورولدکده برررر دخی قوشدیرمغه
 باشلاردق . عجمیلره هجومه نهایت ویریلورکن آلقومق حرکتی

اجرا ایدرك باركیرلینی سرعتلی به و بیده عادتایه کچیردکن
صوکره طویل و وضعیتنی محافظه ایتدیروب صره نك تشکیل
اولدینی محله و یاخود اوکده طوران نفرک آرقه سنده
طوسطوغری طوردیرملرینی و هیچ بروقت آلا بیلدیکنه
برپور ویشله و دلجه سنه برطور ایله طوره جقلری محله
کیتما ملرینی و هجوم پور ویشله کیدرکن و حتی پور ویشله آمرک
اوکندن کچرکن دائما ایلری به طوغری باقلرینی اخطار ایدر
ایده . بو حرکتی سواریلر ایچه برامیت و سکونت ایله اجرا
ایتدکلری کور و لدکده سرعتلیدن و درت نعلدن چاق (۲۰۰
خطوه درت نعل یور و تیکسزین) هجومه کچمکی و نهایت
طور و ورکن یکدن هجومه (آره برده بارکیرلری برقاج سرعتلی
و درت نعل خطوه سی ایله یور و تهرك) قالقمنی و هجوم
پور ویشله کیدرکن طورمنی (کذا برقاج درت نعل و سرعتلی
خطوه سیله یور و تهرك) تعلیم ایتدیروزدق .

معلم افندی بنم یینجیلکه ، عجمیلری تربیه ایتکه پک
هوسلی اولدیفمی بیلدیکندن مناسبتی کلدکجه شبه و ترددی
موجب اولان شیلره دائر ایضاحات لازمه و یردیکی کبی
تعلیمک شوراده یی بولدینی برزمانده شومطالعانی دخی درمیان
ایتدی : و کرک صف حربده و کرکه قول نظامنده توزده
دومانده بارکیره باصه جنی یری انتخاب خصوصتده دلالت

ایتمك قابل اوله میه جفندن و چونكه آتلی مانوره ائناسند
 نظر دقتی باشقه شیلره حصر ایتمش بولنه جفندن بارکیر
 موازتنی کندی کندینه تأمین ایتمك وخفیف دیزکین استنادیله
 هر نوع اراضیده سربسیتی محافظه ایلمك و آنمزین اوکنه
 تصادف ایده جك بر مانعدن اولجه حاضر لقمه مزین آتلامق
 خصوصند مه سارت کامله به مالک اوللی ؛ آتلو دخی اوپله
 احوالده بارکیر لرك اوستنده بلا پروا اوتوروب خفیف دیزکین
 استنادیله بازگیرینی سوق ایتمكه وبرقضا وقوعنده (مثلاً
 بارکیر قپاندینی وقتنده) وجودینی کیرویه میللندیر مک ایله
 آکا یاردم ایلمكه مقتدر اولملیدر . بونك ایچون هجوم یوروشی
 تعلیمی غایت دقتی اوله رق دوز یرلرده یاپدید دقدن و اولبابده
 لازم کلان ملکه و مهارتی کسب ایستدیر دکن صوکر
 عارضه لی اراضیده دخی هم اوزون درت نعلی و همده هجوم
 یوروشینی اجرا ایستدیره جکز . اونوع هجوم تعلیمی بلوک تعلیمی
 دورنده مختلف اراضی اوزرنده تعلیم ایده جکمز ائشاده منفرداً
 اجرا اولنه جق تعلیملر صره سنده یاپدیرمه چالیشه جفز .
 کاغد ایزینی تعقیب ایدرک اجرا اولنان قوشی تعلیملری ایله
 اولبابده پک بیوک فائده لر استحصال اولنه بیلور .

دُرُجُوبَا

— ❦ مسلح اوله رق اجرا اولنان تعلیم ❦ —

بر معناد یوزباشیمز بر کون تفنیشنی یاپدی . عجمیلرک ددرت
دیزکینی صول الله طوته رق کم ایله بارکیرلرینی سوق ایتمکده
کافی درجه ده ملکه کسب ایتدکلرینی کورمش ایدی . ابرتسی
کون سلاح تعلیمنه باشلامقلغمز ایچون آقشام امر آلدی .

❦ قلیجله تعلیم ❦

❦ بارکیرلری یدکده کوتورمک و خط ❦

❦ وسطده ترتیب اولمق ❦

عجمیلره بونلر تعریف اولندی وده یاپدیرلدی (ماتر
تعلیمنامه سی صحیفه ۱۹۶ به مراجعت) .

❧ قلیجله مساح اوله رق بار کیره بینمک ویره اینمک ❧

بو حرکتی دخی یابدیردق (مانثر تعلیمنامه سی صحیفه ۱۹۶ و ۱۹۷ دی به مراجعت) .

❧ قلیجک آغرلغنه وصول بجاق و قالچه یه ❧

❧ ویره جکی راحتسز لکه آلیش دیر مق ❧

قلیج ایله بار کیره اوتوروش قلیجسز اوتوروش کی
اولوب ایلك اوکجه قلیج چکلمکسزین صول یانلرنده صارقش
اولدینی حالد کم ایله اجرا اولنان تعلیمی تکرار ایتدیردک .
یوانئاده عجمیلرک قلیجک آغرلغندن طولایی صوله طوغری
میل ایتمالرینه دقت ایدردک (مانثر تعلیمنامه سی صحیفه ۱۹۷
دی به مراجعت) .

❧ قلیج چکلمک وقویق ❧

بو حرکتلری اولاً خط وسطده بر بار کیر بوی آرالقلرله
طورورکن هر بر نقره آیری آیری یابدیردق . صوکر ا ۵ پسته

بردن واولاً خط وسطده بعدہ بارکیر یولارندہ ۲ بارکیربوی
مسافہ ایلہ طورورکن بعدہ عادتا ایلہ یورورکن تکرار
ایستیدردک (مائر تعلیمنامہ سی صحیفہ ۱۹۷ دی بہ مراجعت) .

❦ قلیج ایلہ حاضر طوروش وضعیتندہ تعلیم ❦

قلیج حاضر طوروش وضعیتندہ طوندیرہرق ہربر
یوروش ایلہ کم ایلہ اجرا اولنان تعلیملری تکرارایستیدردک .
بوآرہلق صاغ اوموزلرینی کری براقاملرینہ ویوقاری قالدر-
ہاملرینہ دقت ایدردک (مائر تعلیمنامہ سی صحیفہ ۱۹۷
و ۲۰۲ و ۲۰۳ و ۲۰۴ دہ مراجعت) .

❦ قلیجلہ اوروب دورتمک حرکتلری ❦

بو حرکتلری دخی اولاً عجملر خط وسطده طورر
صوکر ا یورورکن یابدیردق . اورمق ، دورتمک حرکتلری
عجملرہ ذاتاً یایا اولہرق اوکرہ دلمش ایدی . آتلو اولہرق
اجرالرندہ کوچلک چکلمیوردی . مذکور حرکتلری یایار
ایکن دیزکین طوتان صول الک یرندہ قالمسنہ چوق دقت ایدردک .

❧ مزراق تعلیمی ❧

❧ مزراق ایله مسلح اوله رق بار کیری ید کده ❧

❧ کوتور مک و خط وسطده ترتیب اولمق ❧

مزراق ایله مسلح اولان عجمیلره بار کیرلرینی ید کده ناصیل
سوق ایده جکیرلرینی خط وسطده ناصیل ترتیب اوله جکیرلرینی
وخذایه ناصیل کله جکیرلرینی اوکرتدک (مانتر تعلیمنامه سی صحیفه
۱۹۷ و ۱۹۸ و ۱۹۹ و ۲۰۰ زه مراجعت) .

❧ مزراق لولرک آتیه بینوب یره اینملری ❧

❧ و بار کیرلری آخوره سوق ایتلری ❧

اشبو حرکتلر دخی مانتر تعلیمنامه سنک ۲۰۰ و ۲۰۱
و ۲۰۲ نجی صحیفه لرینه مراجعت ایدرک یادیر یوردق .

❧ بار کیر اوستنده تفنک استعمالی ❧

عجمیلره تفنکی طولدیرمق نشان آلمق آتش ایتک

حرکتلری یا اوله رق اوکردیلیوردی فقط بارکیب اوستنده
دخی تفنک اصول استعمالنی اوکرتک ایجاب ایدوردی .
عجمیلری خط وسطده ترتیب ایدرک مذکور حرکات
اوکره دلدی . حرکاتک هربری آری آری واولا صابی ایله
صوکر صایسنز اوله رق اجرا ایدیرلدی .

مذکور حرکاتدن ماعدا و آنلردن اول شـونلر دخی
تعلیم اولندی :

تفنی غلافندن چیقاروب آرقیه آلمق ، آرقه دن آلوب
اکره مربوط غلافنه تکرار قویق حرکاتک اوضاع مختلفه لرینی
صابی ایله یاهرق قصورسنز اجرا ایتکی عجمیلر اوکرنده کاری
کبی آراتق ایستدیکمز وقت یالکز « فلان نقطه یه — نشانگاه
شوقدر مترو — آتش ! » قوماندالریله نفرات هم طولدیرلر
هم نشانگاهی تنظیم ایدرلر و همده آتش ایدرلدی

❦ معلمک اوگنندن بربرر کچهرک اورو ش ❦

❦ و دورتشلرک عجمیلر طرفندن اجراسی ❦

بوحرکتلری مانتر تعلیمنامه سنک ۲۰۵ و ۲۰۶ و ۲۰۷
نجی صحیفه لرینه مراجعت ایدرک یایدیریوردق .

❦ دردرله آتلاتق ❦

بوحرکتی قول وصف حرب نظاملرنده موانعدن آتلاتمه
برحاضرلق اولق اوزره بوندن بویه اولا درت عجمی یان یانه
یعنی برصرده اولق اوزره سوق ایدرک آتلاتدیریوردق .
بونلرک برقرارده برخذاده یورویهرک وبرلرندن آچیلیمیهرق
آتلاتلرینه دقت ایدیروردق . بوحرکتی صوکرالری تکمیل
قسمی برصریه قویهرق اجرا ایتدیریوردق .

❦ مسلح اولهرق هجوم تعلیمی ❦

اشبو هجوم تعلیمی دخی قلیج چکمش ایکن ومزراقولر
مزراق ایله حاضر طورمش ویاخود مزراقلری اویلق
اوبسته آلمش ایکن درت نفر یان یانه واولا آره لقله صوکر
آرالقسز اولق اوزره سوق ایدرک اجرا ایتدیریوردق .
« هجوم » قومانداسنده قلیجله ایلری وضعیتی (مزراقله
هجومده مزراق طوران وضعیتی آلدیرر ایدرک) مانتر
تعلیمنامه سی صحیفه ۲۰۷ و ۲۰۸ زه مراجعت) .

— براخطار —

مسلح اوله رق تعلیمه باشلادیغمز انساده بلوک تعلیمی دوری تقرب ایتیش ایدی . یوزباشیمز وقتک طارلغندن بحث آچهرق معلم افندی به سلاح تعلیمی حقنده شو بولده تعلیمات ویردیکنی ایشتم :

قلیج تعلیمندن : « قلیج چکمک ، قلیج قویغق ، سلام طورمق ، حاضر طورمق . صاغه (صوله) اورمق ، قبضه نی باشک اوستنه قالدیره رق باشه اورمق ، صاغه (صوله) دورتمک ، صاغه (صوله) سپر آلمق ، صاغدن اجرا اولنان دورتسه قلیجک اوجنی آشاغی به ایندیره رک سپر آلمق (بوسپر کیویه وضعیت آلتیش ایکن اجرا اولنورسده ایلریدن ویا صاغ یاندن کلان دورتسه سپر آلمق ایچون یک اعلا وامینتلی برسپردر) ، باشه سپر آلمق .

مزاراقدن دخی : « حاضر طورمق ، راحت طورمق ، اولیق اوستنه مزراق آلمق ، مزراق طورانلق ، صاغه (صوله) دورتمک ، ایلری دورتمک ، یارم سپر تعبیر اولنوب یقینه سوقولش دشمنه قارشو مزراغی صاغه یاخود صوله چارپه رق اجرا اولنان سپر ، حرکاتی — که بونلرک هرکس

طرفندن بك ابو اجرا ايديله بيلمسى اهم والزمدر - شمدلك
ياديرمغه بلوك تعليمى دورينه قدر يتشديرمكه چاليشكز .
كر ك قليج وكر كسه مزراق تعليمك حر كات سائر ه سنى
كه آنلر اصل سواريلره چويكلك ويرمك ادمانلر بنى آرتيرمق -
والاصل اولبا بده كى مهارتلر بنى تزويد اتمك ايجون ژيمناستيق
مقامنده ياديريلور - ايسه بلوك تعليمى دورنده منفراً
اجرا اولنه حق تعليم ائساننده ياديررسكز .

يوزباشينك امرى موجبجه يوقاريدنه سلاح تعليمى ايجون
تعريف ايتديكمز اصول تدريجيه رعاية مذكور تعليملى
بلوك تعليمى زمانه قدر يتشديرمك ايجون چاليشوردق .
مذكور حر كاتى عجميلر يايا اوله رق اوكرنمش اولدقلرندن
يازكير اوستنده تكرار اجرا ايتمكه كوچلك چكميورلردى .

❦ بلوك تعليمه كچيش ❦

مانثر تعليمه باشلايه لى ۶ آى قدر اولمش ايدى .
عجمى تعليملرينه تشرين تاينك ابداسنده بدأ ايدلدىكى
فرض اولنديقه نظرأ نيسانك نهايتنده عجمى تعليم دورى
تكميل اوله جفتدن مائسك ابداسنده عجميلر دخی داخل
لوديني حالد بلوك تعليمه باشلان ه حق ايدى . (يعنى بلوك

تعلیمی تعلیم سنه سنك ابتداسندنبرو اسكى افراد ايله هفته ده .
برايكى دفعه ويا لكز اوج ساعتك تعلیم وقتك ايلك يا خود
صوك ۳۰ الى ۴۵ دقیقه اق برزمانى ظرفنده اجرا اولنيور
ايديسه ده مایسك ابتداسندن بدأ ايله عجمیلر دخى بلوكه
ادخال ايديله رك ياييله جق ایدی .

يوزباشى اقتدی نيسانك يكر منجى كونسندن بدأ ايله
تفتيش مراسمی اجرا ایتمكسزین — عجمیلرك هپسك
اقتدارى كنديسنجه معلوم اولديغندن و چونكه وقتيله اجرا
ايتديكى تفتيشلردن ماعدا همان هر كون تعلیمده بولنوب
هر برينك ملكه و مهارتلىنى نظر تدقیقندن كچيرمكده وجیب
دفترينه اشارت ايلمكده بولنديغندن بودفعه وقت غائب
ایتامك ایچون تفتیشه حاجت كورممش ایدی — عجمیلردن
بعضیلرينك همان اوكون و بعضیلرينك دخى برقاج كون صوكرا
وكرو قالانلردن برقاجينك اون كوندها صوكرا و متباقيسنك
دخى آنجق مایسك اون بشنده بلوكه داخل اولملرى ایچون
امر ویرمش ایدی . ویرديكى امر دخى شو طرزده ایدی :
« حسن ، مصطفى ، عثمان بوكوندن اعتباراً بلوك تعلیمنه
اشراك ایتسونلر ، علی ، ولی دخى او بر كوندن بدأ ايله »
« برقاج كون صوكرا بردها كلوب ديكر لوى ایچون دخى : سليمان »
« درویشی . . . بوكوندن بلوكه كوندركز . »

بلوك تعليمى دورى ئاساسىنىڭ بىر تەلىم ۋەتەنلىك قىسمى
 اعظمى يەنە مەنڧىرەتلىمىلەر تەخىسىس اولندىقندىن اومدت نطرفندە
 بىنم عجمىلەرى (تەكىمىل بىرسەنە كچىمدىكە عسكەرە داخلى اولان
 قىرغە افرادى عجمى صايلور) يەنە بىكا تودىع ايدىرلردى .
 اولوالدە آنلارك تەبىئە مەنڧىرەلەرنى اكمال ايتىمىكە چالدىشوردم .

سوارىنىك حالات مختلفەدە نە يولده

حرەكت ايدە جەكنە دارقواعد عمومىيە

بوعومى قواعدى نظريات درسلىرى صەرەسندە عجمىلەرە
 تەقەوشلردە بىلتەدىررايدىك . ذەنلەرنە تقرر ايتىدىرىمىك ايجون
 دىخى اولبابدە سوللەرە ايراد ايدىردىك .

يوزمىك

باركەرى شاشىرتىمەرق آنەكە بىر بىر تەلىملىك سىز يوزە بىلىمىك
 ايجون آنولورك دىخى يوزمىك بىلىملىرى ايجاب ايدىرمىش
 (مائىر تەلىمنامەسى صحىفە ۲۱۰ نە مىراجەت) . صوليك ايجىندە
 چاقەسىزىن تەبىدىل مەكان ايتىمىك « يوزمىك » ايجون اجرا اولنان

قول و بجاق حرکاتی قرده کنه نظراً بشقه و غیر طبیعی
اولدیفندن اولباساده بر تعلیمه احتیاج وارمش . بزم بلوکنه
یوزمک تعلیمه حاضران اولوق اوزره یوزرکن اجرا اولان
قول بجاق حرکاتی — آچیلوب قباناق کوچک و آرقه سز
وا توره جق یری قالین کتان بزلی براسکمه نک اوستنه یوزی
قویون (اوبله براسکمه بولندیقی وقت یردن یارم متره قدر
یوکسلته جک وجهله برقاج اوت شیلته بربرینک اوستنه وضع
ایدرلر و یاخود برتر اوزه بولندیقی وقت بونک اوستنه یا نلامه سنه
یوزی قویون یاتیرلردی) یاتیره رق — قغوشلرده ادمان
حرکتلری کبی یابدیرلوردی .

بولندیغمز موقع بار کیرله یوزمک تعلیمه مساعد بولندیقی
جهتله یالکز عسکری یازین دکر حاملرینه کونوردکلری
وقت قغوشلرده اوکرتدیرلش اولان حاضران حرکاتی تطبیق
ایدوب حقیقی صورتده یوزه کی اوکرتمهک جالیشیورلوردی .
قغوشلرده یابدیریلان تعلیمک چوق فائده سی کوریلوردی .
چونکه دکره کیردکلری وقت یاپه جقلری حرکتلر اولجه
بللتدیرلش اولدیفندن ایش دکرک اعصابه ویردیکی دهشتی
کیدرمکمه قالیوردی . آنک دخی ایکی اوج دفعه دکره
کیرمک ایله محو اولدیقی کوریلوردی .

عجمیلر صویه کیریشلرینک ایلاک دفعه لرنده یورکلری

مطمئن اولوب تلاشه دو شما ملری ایچون بلارینه طاقیلمش
زیمناستیق قوشاغنه آرقه دن ربط اولنان براییک اوجنی
قرمه طوبران معلم یا طوغریدن طوغری به انه آله رقی و یاخود
بر صبریغک اوجنه باغلاقدن صوکر ا دیگر اوجندن صیریغی -
طوقه رقی ایی کاه کره رک کاه بر آز کوشته رک عجمیلری صویک
بوزنده طومغه جالیشیوردی .

بوزمک ایچون اجرا اولنان حرکاتک تقایدا

اسکدله اوزرنده اجرا سی

عجمی ذکر اولندیغی اوزره اسکمانک اوسته بوزی
قویون یا تمش طورورکن معلم اشبو :

۱ - اوج حرکتله بوزمک تعلیمی اوله حق :

۲ - وضعیت آل

۳ - بر ، ایکی ، اوج قوماندالریغی ایراد ایدیوردی .

وضعیت آل ، قومانداسنده : عجمی اوچکلرینی بربرینه

بیشدیروب قایناقلرینه یا قلاشدیرر و دیزلریله آ یاقلریشک

برونلرینی ایکی یانه طوغری آچار و عین زمانده دیرسکلرینه

بدنه یا قلاشدیروب بره قلرینی یا بیشدیرمش و اوجلرینی ایلرول

طوغری توجیه ایتیش و آوچلری آجیق اولق و باش برمقلر یوقاروده بولمق اوزره آیه لرینی یکدیگرینه تماس ایتدیرمیش اولدینی حالدده بیلک لرینی عملرینک اوستنه وضع ایدر و باشنی دخی بر آز یوقاری به طوغری قالدیرر ایدی .

« بر » قومانداسنده : قول و بجاقلرینی شدتله اوزا توب عین زمانده بجاقلرینی ایکی یانه طوغری آچدینی حالدده اللرینی یکدیگر نندن آیرماز ایدی .

« ایکی » قومانداسنده : بجاقلرینی دوز طوتمش اولدینی حالدده دینلرینی بر برینه یا قلاشدیرر واللرینی ترس جهتلری یوقاری به و باش برمقلر قارشو قارشویه کلک اوزره یکدیگر نندن ۱۶ سانتیمتره قدر اوزلقلاشدیردی (بو وضعیتده قوللر یکدیگرینه موازی بجاقلر بیتشدیرلش بولنورلردی .)

« اوج » قومانداسنده : قوللرینک هر بریله - بوکسکسزین و کرکسکسزین - آغز آغز ایلریدن کیرویه طوغری برر نصف دائره رسم ایدرک دیرسکلرینی برنجی حرکندن اول آلئان وضعیتده اولدینی کبی وجودینه و اوکچلرینی دخی حیناقلرینه یا قلاشدیرر ایدی .

« حرکت » باشلامزدن اول آلئان وضعیتله اوج حرکتک رسملرینی تدارک ایتیش ایدم . بو بایدکی تعریفلریمه یاردا خلق

ایستون ایچون آنلری دخی اشبو رساله نك نهایته علاوه
ایتم .

آلایمز مجتمع بولندینی وقت عموم آلايك یوزمك
تعلیملری باش معلم نامیه تعیین اولنوب ابو یوزمك بیلن
بعضایط طرفدن اداره ایدیایوردی . تعلیم اتناسنده برده
دوقتور بولندیریلوردی . چاوشلردن اوباشیلردن وحق
فهراندن یوزمك بیلنلر عجمیلره معلم تعیین اولنیوردی .
بزم بلوك مفرز بولنیور ایدیهده ینه او اصول اوزره
باش معلم دوقتور وایجابی قدر معلملر تعیین اولنیور . بزم
بلوكه باش معلم اوله رق تعیین اولنان ضابط افندی بك ابو
وقاعده اوزره یوزر ایدی .





➤ مائز تعلیمی رہبری نام اثرک ➤

➤ خطا و صواب جدولی ➤

صفحہ	سطر	خطا	صواب
۴	۷	ما	نا
۱۰	۴	صول	صوك
۱۰	۱۸	فائت	غائب
۱۲	۱۴	تأثرینہ	تأثیرینہ
۲۲	۱۷	ساتمترہیہ	ساتیمترہیہ
۲۴	۵	تعلیمخانہ سندن	تعلیمخانہ سندن
۲۷	۶	بویلہ	بویلہ
۲۰		اپلہ	ایلہ
۳۰	۱۸	صقیتسز	صیقینتسز
۳۰	۱۹	بر او طو توروش	بر او توروش
۳۱	۵	او کچہ لرین	او کچہ لرین
۳۱	۸	تأثیرلر	تأثیرلر

صفحه	سطر	خطا	صواب
۳۱	۱۰	تأثیر لر	تأثیر لر
۳۲	۳	حقیقه	خفیفه
۳۶	۱	بار لیر	بار کیر
۳۶	۲	میتاسمز	میتاسمز
۳۸	۱۷	ایندم	ایندم
۴۴	۶	وچک	کوچک
۵۳	۱۱	حالبوکی	حالبوکه
۵۸	۱۰	یوکلنامالی	یوکلنامالی
۵۸	۱۵	حقیقه	خفیفه
۶۹	۵	مراجعت (قفوشلرده	مراجعت (قفوشلرده
۶۹	۷	مراجعت (قفوشلرده	مراجعت (قفوشلرده
۷۵	۳	باوگنز	باوگنز
۷۷	۱۴	تأثیر	تأثیر
۸۱	۶	دز کینلری	دز کینلری
۸۲	۱۴	عجمنک	عجمنک
۸۳	۳	قسمنک	قسمنک



صواب	خطا	سطر	حقیقه
برنجی درجه ده الزم	برنجی	۷	۸۵
یومسروق	یومسروق	۹	۸۵
یاردملرینک	یاردملرینک	۱۳	۸۶
شو تعلیمه	شو تعلیم	۸	۸۹
بر الدہ	بو الدہ	۳	۹۰
مجتعماً	مجتعماً	۲	۹۱
تأثیرلری	تأثیرلری	۶	۹۷
مقدمه سی	مقدمه سی	۲	۹۹
اول و آخر	اول آخر	۲۰	۱۰۸
بولدیرملرینی	بولدیرملرینی	۸	۱۱۲
ابتدک	ابتدک	۱۴	۱۱۲
تعلیمنده	تعلیمنده	۱۸	۱۱۲
قبانان	قباناق	۴	۱۲۵
اسکمله نک	اسکمه نک	۵	۱۲۵
اسکمله نک	اسکمه نک	۹	۱۲۶



